



經山集 二

^ 16
2414
2



foli
2414
11-2

經山集卷三目錄



詩

海居洪都尉

顯周

借見余留燕館時士人所贈

詩文書畫盛加夸詡次少陵草堂三十韻贈

示聊此寄和

又次海居五古韻

并小序

次篠齋喜雨十韻

與趙心菴待教

斗淳

同差享役見齋壁有南園

露葵朝折西舍黃梁夜春十二字共賦

選八首

贈上使徐卯翁尚書

耕輔

效彝齋送余北使時詩體贐北關按節之行

贈四從弟承旨稚世知容生朝

過南城登玉泉亭

僕之使燕也彝齋侍郎贐十五絕句據實註解以備典故彝齋先有是行故爲之指南也今彝齋按節出北關僕亦於往年宦遊經過偶先穰秕輒次前韻呈上非報也願學焉

余之赴燕也曹尙書儀卿次余之在會寧時所贈五十韻贐行今儀卿以冬至上使入燕又步其韻奉寄灣上

赴箕營過瑞典道中夕風吹地上積雪皆作波

濤雲霧之狀儘是奇景也率占五古奉贈地

生金使君永錫

正朝口占

微雨中與金庶尹應根上多景樓

與上使曹眷菴尙書副使塏西朴侍郎來謙同

會浮碧樓余子基世眷菴姪錫輿隨坐共賦

重陽前日海西伯稚世賢從巡到黃岡寄書敘

思仍以一律代書答之

先君子庚午莅永柔縣歲荒調賑嘉山土賊之

亂以肅川兼官領軍赴安營邑人至今思之
二十五年之後小子按節巡過桐鄉陳跡風
樹增感謹作一律志懷

奉和彝齋北伯寄示韻

成都伯李令

嘉愚

安陵牧洪令

彥讚

俱余同庚

書要元宵遊約

二月八日爲迎祠宇出往栽松院寫懷贈內

贈女

純祖大王輓詞

追和楓臯斗室金竹里

履喬

三太史香山詩韻

同藏山中之上院庵

附跋

附三太史原韻

往年余過金尙書

蘭淳

宅約贈閣梅一本其後

尚書自海上贈詩云指梅爲約會三載集句

成詩又一春詩札屢來而尙不踐約今又步

韻督債

賀淮陽太守金

周默

回甲

戊戌仲春以禮判陪

太祖御真詣永興濬源

殿次雲石太史韻

濬源殿行奉安儀復用前韻敬題

瑤洛池舊釣磯

用律詩韻分作絕句紀事

徐梅園承宣

箕淳

以承旨同為陪往道中賦贈

謁聖陪班次雲石太史韻

與翠微申太史

在植作

顯陵修改之行微雨

路上吟寄雲石詞丈

閏四日晦日行實錄洗草於遮日巖宣醞後雲

石呼文字楓石徐提學

有槩

呼聞字翠微呼

雲字余呼羣字與叅宴諸人各成五律

特除藥房提調連飭不膺投畀南陽

蒙宥還始典楸舍

庚子夏在咸營青營朴節度

潤榮

送東井水詩

以謝之

菊秋三日巡城堞

九日發 南陵奉審之行宿定平

內堂新粧小屏戲書一詩復申還鄉之約

辛丑正月三日上雲石閣下六十壽啓夜枕思

舊時朋儔皆已衰老流光電掣人事雲移餘

生無多會合難期慨歎之餘呼草謹呈一以

奉勉揆業一以自述窮懷

春詞

閏春日約朴梧墅尚書趙叅判

容和尹承旨正

鎮會福泉庵

賀姪婿李

裕元

簪花榮到

領敦寧石厓趙公

萬承

遊金剛山有中秋夜吟

寄季氏雲石相國之作要余和韻

謁戚叔李桐漁相公

相璜

北郊溪屋敬次原韻

季夏日與石厓雲石彝齋金淵泉尚書

履陽諸

公會墨溪老人亭分韻得清字

孝顯王后輓詞

重建廣州倉里墓舍作詩付樓壁

以嘉禮正使納采納徵告期冊 妃時以紅

袍幘頭也字犀帶進叅道上吟成余以壬戌

嘉禮時慶科人已卯 嘉禮又以禮房承旨

加資末句及之

次彝齋領相解職歸樊里韻

雲石相公書壽序八幅屏牋可寶也昔蔡君謨

書集古錄序廬陵子以惠山泉為潤筆君謨

大笑以為太清而不俗今僕山居樓前有藥

泉敬奉一壺未敢知雲石相公亦愛其清乎

詩以證之

成川就養之路與家弟從弟

老容

聯行謁老叔

母于延安府從弟

老容

任所

贈姪婿書狀之行

景執書問消遣之法詩以答之

適得箕城酒腰浦魚甚思景執分味代書

降仙樓聽琴歌拈韻

贈別梧墅上使

柳判尹

和源輓

綏陵遷奉輓詞

自山亭還次兒輩雙檜賞花韻

廣州楸舍和心菴留相韻

洪文穆公

義俊

延謚誥之筵謹次其先尚書耳

溪公謚席李及健相公韻

聞範孫順經紅疹以唐硯筆墨及扇賞之賦示

一律

賀梧墅右相回甲用贈北伯時韻

癸酉臘謁楓臯太史于玉壺之居命賦七古仍

賜和章尚寶莊之哲嗣荷屋端揆

左根重修

竹亭邀諸僚會飲謹次原韻

經山集卷三

東萊鄭元容善之

詩

海居洪都尉

顯周

借見余留燕館時士人所贈

詩文書畫盛加夸詡次少陵草堂三十韻寄示

聊此和呈

君家詩禮為世業自少才氣傾三都仲兮騁軌窺秦
漢伯氏闢帷羅唐虞五車列陣二酉庠揚挖玄古談
須臾廣搜籍罔皆經眼坐窮紘埏如誌圖我來自燕
君向說君說精勝我見麤皇居雖壯盖非古不過直



北方一隅河山逃矣塵沙漲宦游商旅鮮世居爾裘
棚戲紛駭矚嗟與八風六章殊處不軒廳居不埃碧
曠那及茅茨誅貝繡炫炫趨末利撓亂茶賈與酒徒
寂是梯航輪轂盛宋版明籍此無踰一見皆等遼東
豕鬻過猶嘆武昌魚自顧東方一使者四方專對冀
免辜徒御猖狂無紀律欺瞞逃匿如濫竽風霜敝裘
驅車出殊俗聚觀羞交衢彼無足覩此堪笑初入賓
館屏追呼差喜漢人多賢裔翰墨堪結萍水娛紀翁
已遠覃老去騷墨陳跡足一吁卓卿之詩李君書投
分何必葉與吳梅詞菊盡相送別歸懷輕快渡鴨湖

君笑握手索詩草羞澁奚囊太荒蕪把與圖書細評
賞慧眼靈心契不疎鋪張贈語何華麗字字玉佩鳴
瓊琚驚攀寶氣鎮摩尼欣護異蹟貯瓠盧鴻藻恨未
鴻猷飾鳳樓難副鳳池須風騷悠逸久不作建安門
戶已陳墟聚德之門文星聚荀兄陳弟俱通儒帝京
交遊雖未廣若比君家皆淺夫不如從君結新社時
沾餘液潤朽枯花晨月夕通三徑書卷光陰尙多餘

又次海居五古韻

并小序

海居詩鈔讀之泯泯乎不可窮已溫然如春
物駘蕩芳菲點綴璨然如寶玉縝潤輝彩著

發平遠若春江烟雨一棹閒泛駿逸若千里
驥騏昂首長鳴愈讀愈奇應接不暇僕聞之
和平之音難妙懽愉之詞不工此所以羈人
遷客行旅道路窮愁哀恨感慨不平之發每
多刻琢奇警之調故林野巖谷草衣澗飲之
徒把之爲已物久矣至若王公貴人氣傲意
泰非得之於天性而有嗜好之癖不暇爲此
雖爲之無以臻閩奧矣海居以王謝之家有
齊魯之行忘主婿之貴屈冠冕之尊日與布
衣章甫遊術藝之中吟哦唱酬矻矻不休其

居處飲食時序景物無非詩也而自不覺其
日詣於高妙之域而又自不覺其性稟之得
於天者本如此也遂手鈔若干篇鋟梓成卷
遠質於中朝工詩之家又述五古一篇以道
其意莊誦欽遲遂綴其韻而復之

海翁卓犖氣佳句性所耽乘桂且駕玉籍囿恣搜探
金薤垂琳琅俗輩紛駭慚輿衛正始門踔厲獨秀擔
競寫長慶集愛讀逾圭三編陋誰見賞高風緬江南
蠻商定解繡虹月貯瓊函曠音審清濁牙味辨酸甘
天籟一振林衆噪皆應嗜解編蘭菊語誰復王老堪

次篠齋喜雨十韻

聖人憂旱禱河岳祠官齋服香升爐爐烟郁郁風颼
颼瓊林雲氣下有無石牛生潤商羊舞屏翳噴洒傾
澤湖四野陰陰流膏乳泛溢田背浹土膚溝車秧馬
競紛騰襍穢被疇千耦呼爭誇稗苗安用握更道枯
茨已欲蘇憂者以樂病者愈須臾嘉澤絃埏敷先生
上直青瑣闥吟聲夜繞西埤梧五穀均登是上瑞熙
皞民物同亨衢歌以元豐聖人頌醉擊土壤抵玉壺

與趙心菴待教

斗淳

同差享役見齋壁有南園

露葵朝折西舍黃梁夜春十二字共賦

選八首

紫峰隱映暮烟含空翠濛濛襍靄嵐夜久流雲將月
色熹微樹影澗東南

因役敦朋好聯棲近郭門屏喧如淨境忘病有清言
新霽幽蘭葉微涼老竹根誰知闌闌內瀟灑得林園
浙浙林表颼漫漫隴上霧積陰一以掃羲馭尋軌路
四野農謠興鋤鑿理畦圃遊鱗泳曲塘鳴禽集森樹
晴景既可悅良儔又適晤詩思正未已林臯下涼露
秋人坐秋宵耿耿河漢垂狷介積煩慮慨慷紆玄思
如何羸脆質形役不知疲菲識漸惰懶榮華本非期
倚伏昧長筭進退兩廻遲古人信性好樂哉更何疑

獨坐琴在匣賓至酒盈卮適意踰長生何必採岑芝
只緣知足戒豈不戀明時江湖亦魏闕寸心傾陽葵
君儀清且都燁燁金闈列風騷發鏗鏘一唱宣音節
愛君何以贈君心玉壺潔蘭蕙爲君採荷桂爲君折
今夏農家憂極備菑畲耨耘多愆睽翻盆建瓴朝復
夕廡原不土禾不棲竈蛙閣籬蛤吠田夫饑臥面
黃鰲俄聞北隣失藥圃復道東家沒菜畦迷茫兩涘
不辨馬浩汪千頃可燭犀聖后中朝躬自責警勅臣
工王政稽備以防患和消沴夏之溝洫周犴狴有事
于滎靡不舉近臣奔走將幣珪民其魚矣神應顧汲

汲拯溺而扶擠天人一理本相感箕微不須詢羲虬
將將穆穆四方屹烏帽陪香衝朝泥明燭煌煌爐烟
上陳我黍稷羅藍鸞旣竣齋敬如有待夜氣肅然風
更低明星有爛河漢動披霧快如刮金篦一念灾祥
如杼應玄理杳邈誰端倪盖聞佑德若幾式諄諄眷
顧常持携更願我后日懋德屢豐頌撰今岐西
憶昔君乘杏花韉玉貌清炯星眸射時年弱冠弄柔
翰騁駕籍囿不可罷長安誦傳倚樓句席珍已抱連
城價近日滾滾登府省天祿校字丹藜夜將見笙鏞
黼黻手張明禮樂返夏華昔我初忝龍圖席分司盛

會堪向詫楓老文章古燕許屐翁風流今王謝逸唱
洪韻迭金石玉堂揮翰烟雲化王風大雅誰能和赤
幟騷壇互主霸清風朗月招邀盛談論浩若傾書架
菲才祇幸攀高躅妙工何能窺機撲仙鶴一飛不復
返荒涼夾亭與飛榭從此遊事渾漫興漸欲鄉園尋
休暇今日逢君懷更展詞源汪汪三峽瀉得君庶復
續餘韻清秋留約江臯舍

看君作詞賦我固汗且僵聞君說遠遊我遊遍已嘗
所恨方域褊一隅於室堂民物間凋弊壬丙如經瘡
所愛山水麗人材產俊良長白布支派悵怛含蓮房
層巒現奇象清淨七寶莊妙香紀峽蹟檀木尚鬱蒼
誌史肇堯世磅礴歷夏商達門泄靈蓄縈紆散池隍
豆滿與鴨綠週遶如迴腸漢江發五臺汪汪金銀潢
郭經又鄙註該載補書囊我幸早官籍賞眺資寵光
秉筆抽金匱振衣掇華芳玉塞騁雄矚鳧鳥遠飛翔
彤節躡蓬瀛吟嘯歡未央縱喜遊緣勝常愧政術臧
山川長列眼此樂何所方隆秩已踰分月米徒費倉
鬢毛種種白漸厭馳名韉願携舊書籍築室林泉傍
昔哲好嘉遯賈懷一慨慷諸僚多俊秀夔龍會巖廊
明時歌聖澤優遊更何傷托君結詩社高契比蘇黃

贈上使徐卯翁尙書

耕輔

慈珩赤芾轡如濡文采風流耀上都並代賢名方二
阮傳家儒術似三蘇星辰曳履揚清範河漢乘槎展
遠圖縞紵神交青眼在驚看玉樹映冰壺

效彝齋送余北使時詩體贐北關按節之行

節彼鐵嶺駿極于天剔之甸之廓我紘埏作屏作翰
方面俾專握刀負羽車徒闐闐彼來者誰我伯來宣
銓衝喉舌玉署經筵權氏景羲夙夜之賢

羲維顯允顒顒印印何服之炫何佩之芳飛藻雲肆
擊鼓吹簧論議風動驂騾高驤袞職維補王猷是揚

羽儀公庭瓊珮繡裳駕彼項領胡不巖廊

王謂輔臣予顧維北北民孔瘁北事其棘孰察厥隱
孰矯厥瘼輔臣曰咨卿士于度剡牘乃上往哉宣力
勿遽勿顧民手方額乃拜稽首虎節熊軾

維岳長白長發其祥其祥維何基我肇王毓靈鍾社
實岐之陽芝秀赤島菡發金塘恭瞻象設鳳舞龍翔
宮松盤屈琬璆在床職是灑掃樂歌洋洋

踰彼摩天十邑星列厥初女真分部維七喜向怒背
遂肆猖獗桓桓侍中我武維烈龍旂千乘克蕩巢窟
若金若申區宇乃謚民爰耕織我家爾室

我瞻四方北土洵美銅錫鉛銀羽毛革齒珠貝閃閃
青黃椽梓民莫不穀胡反離徙其嘯其歌云誰之使
今來何暮階前孔邇我儀圖之召公是似
管磬在堂聲聞于遠桐生于陽其實離離豈弟君子
聲色是施輕裘緩帶樂此令儀不茹不吐正直無私
海晏山靜春日遲遲誰爲作誦吉甫之詩

贈四從弟承旨稚世知容生朝

我顏君髮摠堪憐觴佩前遊却惘然幾作潞公同甲
會俱廻伯玉覺非年寒梅點綴稱觴席玄鶴聯翩舞
彩筵準擬去爲湯餅客篆文先寫壽星篇

過南城登玉泉亭

泠泠戛玉澗西東幽逕蕭森步屨通特地松長無限
翠滿山楓老更餘紅秋思淡靄疎烟際亭意清灣秀
壁中夕倚石欄聊點筆禪房玉磬下天風

僕之使燕也彝齋侍郎贐十五絕句据實註解
以備典故彝齋先有是行故爲之指南也今彝
齋按節出北關僕亦於往年宦遊經過偶先穠
秕輒次前韻呈上非報也願學焉

山勢龍盤似秣陵鐵關崇嶺踏層冰先識雪峰神異
跡梵門香飯妙巖僧高麗時畫嶺定界置關門號鐵
關今鐵嶺也我太祖夢負三

椽雪峯土窟中有神僧釋以王宇後建刹名曰釋王今在安邊雪峯山下安妙巖尊師影幘

尹金節制偉勲殊作者中間摠畫葫碧海臺前君試望高風能繼侍中無

尹侍中討平鞞鞞金節齋開拓六鎮多定節制今北青大海邊

有侍中臺

高着邊籌就占盧藥泉軍旅老峰儒百年正待經綸手政術元來外墨朱

翠黛雲低遠出眉瑞光銘石湧珠奇兒童皆唱龍飛曲廟樂生民漆沮詩

德源地湧珠里銘石院俱著聖蹟

土宇青燈閱古編戎韜儒術並窮研浦壇五夜瑤躔動房駟麟青與豹玄

太祖性好儒術於土宇中讀書今舊基在歸州東讀書堂北都

近浦設壇祭星所御入駿中游麟青玄豹皆產於此

雙函髹漆護塵煤陳寶宮床玉鑰開兩節陪官衣樹進尙方織造內家裁

本宮髹漆函二盛絲笠弓矢正宗時四九月祭進衣櫛香燭

烟峰層疊雲灣曲萬歲橋頭樓更奇吹徹玉簫憑彩檻晴川平楚畫中詩

樂民樓金三淵詩有晴川廣矣龍鱗躍平楚蒼然鴈背低句

蒼莽周遭對甫青杞文殘斷失儀刑陳庭飛隼無消息楷祭誰將補逸經

北青東甫青社有土城古傳肅慎氏都此

前年銅綬赴程期萬丈雲天立馬時憐汝遐氓多疾苦三關五嶺杳京師

端川吉州之間有摩天摩雲兩嶺以嶺北十邑為北關

衽革邊風尚義忠家家挽勁馭良工鰲山鏡水瞻祠

屋當日書生摠是雄

龍蛇之厄鏡城士人李鵬壽等七義士會寧士人吳允迪等八

義士起義兵有功并立祠宣額鏡曰彰烈會曰顯忠

扁舟泛海土窰依島草池雲異瑞稀安得先春還我

界金塘容與採蓮歸

穆祖避寇浮海入赤島土窟中紫芝自生赤池亦有度祖聖

蹟先春嶺在慶源北七百里尹璣拓地立碑曰高麗之境金塘即穆祖舊居有五色蓮今屬彼地

清市寧州臨歲開約條青布換耕材樓前玄錦紅雲

色神種爭誇大宛來

崇德三年清以寧古塔島喇民人之乏農牛黎口約以青布換

質公市後又有馬市

舊時部落女真家江外長城界積沙遺俗農人便利

器跋高應做古田車

六鎮女真部落并據金節齋悉逐豆江外築長城為界深北八

揉兩木如弓後有橫輓以受物輕捷如車名曰跋高蓋古田車遺制

長白橫天萬丈餘鎮邦淑氣毓祥初憑君願著名山

記振代文章太史書

白頭山一名長白蟠據甲山茂山之境

余之赴燕也曹尙書儀卿次余之在會寧時所

贈五十韻驢行今儀卿以冬至上使入燕又步

其韻奉寄灣上

北風歌遠遊歌成送我友我友廊廟器夙年富蘊負

星槎指河漢壯矚窮九有一渡馬訾水重柵列防守

遼陽開市肆蠻商競利誘八站據窮峽板屋開井臼

其民管八旗箇箇弓槍手組練仍成性精悍故非偶

行車轂相擊隊隊如耕耦鶴墅闊無際鯨海環其右
英雄百戰場懷古欲酌白雲際凝紫烟蒼莽薊門藪
巫閭鎮坤軸景仰如樞斗蜿蜒蓄靈英衆山摠培塿
陳翁開講壇遺風豁纂莽大雅嗟不作俗士如蒙菽
憑軾望黎山便欲趨風走雲裳渺難攀沉吟愧組綬
文藻留古宅遺韻尚瀏瀏鼓角振騷壇誰能和筑在
偉哉寧遠伯牌樓耀衛部風沙古杏堡莫論成敗後
金湯失鎖鑰一鼓功誰首四時迭相代天運尚誰咎
入關多新庄媚矚一怡憫澄樓俯碧濤振衣滌塵垢
通州繞粉堞碧瓦間金茆杭船粧彩欄香帶西湖藕

彩羽弄檣幟金鱗躍曾留佳娥簇髻花駿駒屯堤柳
崇墉闢朝陽皇遠通八九文章所聚會頡頏莫沮忸
考據本所長識論多不苟制作宜先詳箋註且細叩
分門多大家矻矻期不朽曉嵐高名古覃溪陳跡久
近時王與阮海內知名否朱蔣書法奇落筆雲烟黝
相揖金臺下悲歌劒欲吼抱管代揮塵談古悅開牖
招要如舊雨羈旅忘憂恟編紵追高風披襟結契厚
最愛吟詩癖風流海帆叟子弟皆聰明秀潤蚌珠剖
墨技入三昧才氣心竊取慇懃送別圖怙悵河梁酒
我還纔經歲君今使命受知君竟需國肯許棲畎畝

我歌君當和應勞繡機婦勗哉勵令德清忠報聖后
赴箕營過瑞典道中夕風吹地上積雪皆作波
濤雲霧之狀儘是奇景也率占五古奉贈地主

金使君

永錫

積雪彌陵岡晶瑩瑤瓊圍蹄蹴珪璧剖輪轉羅縠缺
夕飈急撲地堆雪輕流布瀉注噴濤瀾潑披籠雲霧
鹽絮皆陳言隨遇奇形賦如逢繪堂人呵毫綺思吐

正朝口占

到官纔十日爲政已經年偷暇文書裏開懷禮數筵
此身全老大茲土夙因緣心祝齊民壽金丹補妙詮

微雨中與金庶尹

應根上多景樓

閒屨携筇小徑通玲瓏萬象一樓中凝烟點綴翻粧
雨飄雪盤旋轉舞風鴈度長汀詩界妙鴉蹲古木畫
家工清絃艷曲分相向金鳳銀鵝各一叢

與上使曹眷菴尙書副使增西朴侍郎

來謙

同

會浮碧樓余子基世眷菴姪錫輿隨坐共賦

篋輿穿松逕藹曛彌修渚晴景泛碧欄輕霞綴綾嶼
星槎溯河漢歡晤諧舊侶光誦遞華牋欵酌迭清醕
官身少暇日冉冉春已序差穀張嘉期一笑素心與
繁抱忽相紆逸興沛莫禦萍筵隨固喜所喜於我所

重陽前日海西伯稚世賢從巡到黃岡寄書敘
思仍以一律代書答之

聞君玉節到隣疆驛路飛筒綠字香百里思人烟一
水兩年爲客雨重陽疎才民事逢荒歲多病羈情念
故鄉却憶相遊籬下逕揮觴對賦菊花黃

先君子庚午莅永柔縣歲荒賑賑嘉山土賊之
亂以肅川兼官領軍赴安營邑人至今思之二
十五年之後小子按節巡過桐鄉陳迹風樹增
感謹作一律志懷

官齋入矚似吾廬地是先君舊澤餘四境民謠饑饉
後孤城士氣亂離初臨窓樹木遺陰在繞案溪山夙
景如父老迎談衣彩日幃帷停路淚盈裾

奉和彝齋北伯寄示韻

手函將啓笑顏開知是咸關驛使來兩地邊籌紆鎖
鑰同時宦跡管樓臺梅花分向他鄉問玉節交從屬

郡廻

彝齋近莘燕山僕近寄
鰲山今俱分按兩省

閒劇由才那可及羨君

裘帶醉深杯

成都伯李令

嘉愚

安陵牧洪令

彥讚

俱余同庚

書要元宵遊約

萍水情緣款久要清川巫峽兩通潮才名自少先推

重顏髮如今孰占饒洛社風流同甲會

文彥博程太中居洛社為

同甲 唐家俗節上元宵

元宵燈燭之遊肇於唐代

綠橋圓月知相

待驛騎飛書共見招

二月八日為迎祠宇出往栽松院寫懷贈內

君長及笄入我門幣見舅姑稱佳婦我年弱冠通桂
籍出入金闈隆恩受名州藥山許便養金帶輝映銅
章綬毛檄潘輿情何極草暉長祝龜蓮壽上堂起居
具甘旨彩服斑斕就左右弄瓦弄璋哇而夔繞膝挽
鬚床下走愉容婉色承嘉笑只知人間歡樂有一朝
遽廢蓼莪篇杉栢翻驚歲月久蓬嶼樓閣陳金石花

山宮闕羅星斗鈿軸金誥君從我刺史留守官祿厚

民物箕都寂繁麗棨戟車騎盛行部君携家室就官

食二月江城嫩金柳綺窓朱簾板橋屋夾袖紅粧羅

前後褰幃出迎裁松院陳迹悽愴頻低首

庚辰以寧邊守迎親

於此營厨豐膳盤行玉川至壽南開繡牖君我孤露俱

可憐眼前繁華何足取樹風不停古人歎列鼎何似

斗米負知君謹拙恒守分閨閣箴誠如良友我亦鍾

漏漸衰倦每思漢南安井臼為誦香山贈內詩安貧

偕老兩婆叟

內衙堂名川至樓名壽南

贈女

人情貴生育男女均愛慈陶翁與杜老慰嬌情見辭
近俗如陳朱來往無泉淇自我宦遊日携汝四方隨
藥山始官食時汝初結褵蓬萊與花山時汝既抱兒
舅家多欸曲每許歸寧私西來室家同佳麗清泃湄
園葩與汀卉韶華歲已暮我行多拘牽伴春未可期
送汝先還家依依臨路歧童穉競後先汝長今如斯
我性少嗔喝典則無所貽蘋藻及組紉學母無不爲
何必伏生書不願謝家詩兩門俱世閱自有傳家規
柔順與謹儉敬戒無非儀貧富何可常慶善理無疑
治家又教子仁厚以爲基贈言祈福祿却勝產業資

純祖大王挽詞

舊甲斗衡降彩期渚虹符瑞頌純禧仁非力學元天
性聖固生知豈古師普化煦濡皆自得神機淵默若
無爲後人要閱助華世聽說吾 王在宥時
庚申宗國綴旒危冲歲 君王大寶遺衛士齊瞻天
日表寰區重奠泰磐基橫經殿幄登耆舊聽政宮簾
御 聖慈逮覩廷臣垂淚語昔年哀慶又今時
山龍垂拱穆淵衷囿世回淳太始風正路荆榛終率
教兩階干羽不居功舊章法守周官內精義深傳魯
史中三畫閣門催講對萬幾應本緝熙工

八方黎庶日於戲盛矣吾 王父母吾土木何曾徭
役遣金銀每自帑藏輸哺饑海舶移東粟寬賦山田
賜半租昔日歌謠今日哭茫茫僻滲與窮隅

紫掖西垣近玉墀頻承大內燕居儀寢宵臥避天看
處享曉心齋廟攝時賜誥公卿衣必整求箴褻御語
無私姬家盛德閨門始絃管宮人咏歎詩

宮筵丌冊聖賢親不許芬華近紫宸瑞世龜龍神畫
古耀天奎壁寶編新衣惟舊御無紋繡膳只常供絕
異珍內史稀書遊讌日鶯花任度上林春

憶昨宮中樂事多萊衣樂譜四重歌揚徽玉牒瑤觴
奉問寢龍樓鶴駕過萬事驚心庚夏後人間痛哭上
天何于今苟且支殘息閱歷滄桑幻頃俄

仁之至矣德之純粹首陵名廟號陳道欲推源瞻廣
昊化要尋跡對陽春珠丘獻卜千年兆玉瓚升歌百
世禋聖配神孫遺後祿嗣徽揚烈命維新

青春侍上白頭今山海恩同歲月深常校雲章攀睿
澤屢詢民事奉徽音荷舟獻賦天香濕玉榭開編畫
漏沉夢裏金鑿尋舊步宙樓門掩翠杉陰

曉燭悠揚鳳紉飛鸞輶步步遠宮闈幸行如昨先
陵邇法衛疑常御座非天上白雲何杳杳苑中春樹

正依依呱呱赤子人間在恍惚霓旌若望歸

廡衛出宮路復西西風吹曉露淒淒翠華一去何時
返哀淚千行不盡啼鳴鐸悽寒幽草暗行旌迢遰暮
雲迷寸誠那及含沙雀獨望珠邱落日低

追和楓臯斗室金竹里

履喬

三太史香山詩韻

同藏山中之上院庵

附跋

妙香之山高哉千萬丈千峰萬峰羅列如指掌重岡
疊巘橫出側嶺蜿蜒而盤據卉木雲霞朝夕幻色象
雄渾朗麗挺秀幽曠衆美具遊子入山出山神恂悅
神仙窟宅釋佛國靈恠之氣瓌奇之觀如藏帑三百

六十蓮花座七寶莊嚴廣場淨界絕埃而高爽蓋聞
淑氣鍾靈天公秘始有檀君降生爲君長峰頂巖折
訝鐵龕叢木攢香神力養我幸爲官管此山山緣三
載酬夙想文采風流兩按使前後持節來同賞深湫
龍吼臺虎嘯懸厓鍊索攀援上二公一生愛山癖寤
寐思山心每往遂作長篇傑句藏寺樓紙上積翠漑
濛流盪泱楓翁聞之動高興思與名山千年同偃仰
繡林玉瀑雲梯翠壁玲瓏籠彩毫靈洞秘府異草珍
禽恣搜獎鋪張點綴噓光氣闔風玄圃若可廣公未
目見如識面臥遊夢遊莫悵惘我聞詩文氣數等山

岳華泰阜埵相難強萬古絕唱蜀道難廬山高其誰
繼者今髡髮我不量才幸托名欣然一吟亦技癢何
必讓天台之賦石柱之題哉瓊粧錦軸雙雙而兩兩
披之岫岫巒巒燭光焰讀之谷谷壑壑振音響長得
佛尊歡喜山靈護山門鎮寶伏魔魍

余庚辰守寧邊是春按使斗室沈太史來巡同遊
妙香山斗室作詩留上院庵要余和韻同藏未及
就而壬午春竹里金太史以按使又來遊和其詩
楓臯金太史聞而又和之楓翁筆畫奇古迥逸儘
可寶也余欲藏之又請書一本辛卯余以上使赴

北京携原軸擬贈山僧仍携至北京笙陔蔣翰林
立鏞書名冠中朝偶見此軸歎賞不已曰詩與筆
當寶傳乞留甚懇遂許而還還未久而楓翁厭世
矣癸巳余按西節思三太史文采風韻終不可泯
沒黃山以楓翁哲嗣繼楓翁薦太史如談遷相承
書法世又以羲獻稱遂屬書之余亦追和四軸始
完粧一函同藏上院庵俯仰十五六年之間楓翁
竹老已不在而談笑文墨之頃風流雅致今不可
以復見矣離合存沒之感安得不臨風凄然哉然
而孫興公之賦遊天台韓文公之題名石柱彼不

過爲一時遊戲之跡而傳之無窮視若不朽之盛
事今使四軸留住於曇雲祇林之間傳之百千輪
劫則三太史之於是山不止一時之緣而余之託
名其間豈非幸歟黃山尚書之繼先躅而留美跡
又豈偶然也哉未知山之僧愛重寶惜果如智永
辯才之梁檻固守乎此軸是獻于山靈而施于佛
尊者也僧若謾藏而失之則是何異於墮戒而慢
神也乎然則僧之業不其衰乎故當以此軸之傳
否古山門之衰盛云爾

附三太史原韻

寄別香山呈府伯學士

僕向遊香山得足下爲東道主日窮登泛之
樂歡愜平生夢想不能忘行將去矣歲暮煩
憂顧不可復有此事黯然悵恨情感于中輒
爲長篇呈政兼與此山識別云

積雪浮空三萬丈玉削芙蓉羅仙掌西方淨土大
歡喜寸草尺木皆精象真靈窟宅神聖奧檀壚石
广多惚恍重疊巖泉秘洞府噓喻雲烟開天帟但
從東臺相望已絕竒畫樓朝朝來西爽羨君作州
有此山管領福地爲山長几簾案牘皆山氣飲食

起居頤吾養我始西來亦何喜爲識廬山酬宿想
况得故人是主人攘雲躡霧窮真賞裊裊鍊索垂
絕壑狼怖不顧蟻緣上三日幽探意未厭二年塵
勞難再往出山如從武陵歸薩江春水桃花流泱
泱不知經山脩何因終歲與山相偃仰定是文章
氣韻能感通宦遊亦得神明獎余獨胡爲宅鄉歲
暮無與語孤懷煩促誰可廣君又不來山又遠一
回夢罷增悵惘君不見古之愚公欲移山山未可
移猶勉強我今歌詩如畫意爲山點染頗髣髴半
夜挑燈呵凍硯自笑蒼叢何技癢苦癖愛山老不

休一生着屐能幾兩歸去題我林下屋與君他日
憶山依稀作影響又不妨錄寄山中最高最深處
付之木石之怪夔魍魎

歲庚辰未除前五日斗室居士沈象奎書于
箕城之澄清軒

壬午季春余與經山學士同遊香山經山取寺
藏中斗室太史識別香山詩一軸示余謂宜題
其末以爲留迹山中之資遂步其韻付之寺僧
要並收而同藏云

古稱海外之山有方丈燕齊迂恠之士爭抵掌玉

樓瓊闕幾萬重此山無乃肖形象况是檀君基迹
處一千年間事惚恍羽衣金節作侍衛瑤草霞觴
歸內帑百里洞府何幽深四時風氣常愷爽正合
真靈所止息不獨東隅一君長異事至今猶可徵
檀木成林不待養無恠當時流傳久遂令天下求
仙客子勞夢想吾輩得生東國亦厚幸不出域內
可以恣竒賞鐵索高垂三百尺一日與君携手上
峰峰吐雲光景不可狀若有驟鸞駕鶴空中相來
往更疑簫笙入我耳旋聞萬壑飛瀑流泱泱東指
扶桑西若木游目宜頰復宜仰一草一木皆精光

秘窟靈泉入搜獎絕頂移時倚杖立神融不覺胷
襟廣乍噴應接苦不暇還愁別去增悵惘經山經
山奈山何心誠愛之非勉強真面匡廬識者誰斗
翁有詩特髯髯吾所欲言公先道詠罷如得肥垢
癢經山促我續其尾文字有數難爲兩山與人我
同是緣豈無應酬如影響我今欲證神仙之說不
荒唐竊附乎尼父之辨夔魍魎

竹里漫士

竹里叔示和經山學士次斗室太史別香山詩
韻喜其醇真率步成之乞同藏山寺

山兮山兮袤橫千里聳萬丈不藉夸娥之肩巨靈
掌名以妙香亦異哉非色非相非取象有神人生
檀木下石窟中厥考云熊尤恂恂至今檀木森成
束土人取材如府帑西遊之子登絕顛捫歷參井
之擘呼吸沆瀣之爽余自少年仕宦日此地常願
作官長思爲仙區飽看之不在屋潤兼身養種種
宵寐渡薩水精發爲夢夢因想經山容易爲主人
竹叟斗翁踵豪賞等是騷人結山緣余獨胡爲難
天上去年經山寄全圖手披目動神愈往今日復
讀三傑作勾語恢奇音風泱瑋林繡壑雲壁雪瀑

丹梯翠鑠宛在前令余遂欲與鸞鶴翔兮虎豹麋
鹿共偃仰遙爲山靈致賀語古來未有此誇獎余
亦陡然湧奇氣意浴三作更推廣百聞終遜一見
親臨風不覺思惘惘才懶思枯奈山何抖擻下筆
多牽強未論山狀未真面文苑勝事猶髣髴初心
續貂雖不量大抵難拋是技癢又幸公輩昔似鼎
三足轉輾得余爲車兩四軸長與鎮祇林千年不
離影與響我想自此光燄夜夜燭四山佛尊歡喜
逃翹翹

甲申暮春清明之日古昌人金祖淳書于京

師之堅平坊第

此軸本爲先君子所書經山鄭善之尙書
欲藏原本于其家囑不佞更書一本以歸
寺僧遂不敢辭書而應命歲乙未季夏金
道根謹識

往年余過金尙書蘭淳宅約贈閣梅一本其後
尙書自海上贈詩云指梅爲約曾三載集句成
詩又一春詩札屢來而尙不踐約今又步韻督
債

指梅爲約贈山人梅與山人合共親對閣幾思參雅

契巡檐久擬作良辰芳緣不恨經多歲香信猶欣及
小春定有花神證債券隴頭詩札往來頻

賀淮陽太守金周默回甲

南飛鶴和宓琴聲官臘重臨舊降庚班掇芸臺趨彩
服筵開梅閣奉華觥金蘭久講通家誼詩禮常期繼
世名五袴餘成長命縷歌騰百里見民情

戊戌仲春以禮判陪 太祖御真詣永興濬源
殿次雲石太史韻

馬上北風吹鬢絲鳴鑣不敢作離思崆山過仗知何
處沛廟登歌似昔時草木春回滋御氣衣冠月出儼

神姿臣生四百餘年後司禮躬參扈從儀

睿源殿行奉安儀復用前韻敬題

珠龕新捲玉簾絲旒袞端臨悅格思故里枌陰遊沛
日歸民柝路宅岐時雨收彩殿祥虹氣雲護金屏瑞
日姿追遠宸情應北望驛程飛奏告安儀

瑤洛池舊釣磯

瑤洛池前舊釣絲苔磯林渚尚遺思宏基周潁虞河
處潛德仁竿義縉時常有魚龍靈恠氣長看烟雨澹
濃姿渭濱誰復風期合璜寶應多命世儀

用律詩韻分作絕句紀事

王家猶有故鄉思沛殿衣冠奉御儀豈料邳隆文帝
世驚心高廟玉環時

黔袍臨殿惕宸思當日儀臣奉審儀飭選院中圖畫
手尙方先織玉綃絲

山龍繡袞珠旒絲玉殿重臨日表時御座雙瞻新舊
本十分堯顙舜瞳姿

鑾駕西宮展孝思黃流瑟瓚薦香儀標書紅錦煌煌
字御手親題萬歲姿

玉仗金輿奉聖姿從官羽衛引班儀相臣講定還安
禮雲觀先期奏日時

丹花燦錦綠楊絲輦道銀溪鐵嶺時如雲士女連阡
陌生來初覩六龍儀

綺陌香堤繞樹絲晴光麗景共含姿端知昨夕廉纖
雨近殿塵清蹕路時

鴻臚跪請奉安時捲帳重瞻瑞日姿午刻傳呼分向
入大臣前列押班儀

繖蓋旂旒間管絲邦人迎覩幸行儀輿前唱和龍飛
曲枌社風歌過沛時

出入天章閣裏時兩宮衣樹每陪儀于今掌禮隨班
次日近龍顏八彩姿

齋廬經宿耿餘思玉殿前頭拜退時心祝馨香千萬
歲風雲長護聖神姿

徐梅園承宣

箕淳

以承旨同爲陪往道中賦贈

君有鳳毛世掌絲童年花筆蘊奇思通家契托詩書
業同省襟披咏嘯時抱經雲近鑿坡步揮翰風生玉
樹姿關路經旬陪彩輦郵窓日日對清儀

謁聖陪班次雲石太史韻

蹌珮橋門仰聖勞槐風杏日映旂旒三雍聽鼓玄衣
出兩序求言玉仗高奠聖儀因周舍菜尊師禮自漢
祠牢昕朝璧沼瞻雲會職忝春卿愧又髦

與翠微申太史

在植作

顯陵修改之行微雨

路上吟寄雲石詞丈

春來宦業寄征鞭重出東門亦勝緣偶獲公餘澄俗
慮頻從路次欸朋筵林霏細滴三分雨山翠深濃半
抹烟却想寮窓應晝寂獨抽薇架點芸編

閏四月晦日行實錄洗草於遮日巖宣醞後雲

石呼文字楓石徐提學

有集

呼聞字翠微呼雲

字余呼羣字與叅宴諸人各成五律

煌煌金匱字虞史舜堯文百代猶徵信今人摠見聞
瀉樽霑苑露沆墨漲溪雲終事便何地將歸更戀羣

特除藥房提調連飭不膺投畀南陽

非質難稱分外榮長沙投宿夢頻驚羊腸那及人心
險蟬翼堪同宦味輕海國吟龍翻雨色雲天橫鴈又
秋聲如何未早歸田賦羸得羈愁黯黯生

蒙宥還始興楸舍

松楸入望馬蹄飛僮僕紛迎啓竹扉老婦齊眉欣舉
案穉孫繞膝笑牽衣雨過深洞閒花發風靜高林倦
鳥飛飽飯酣眠吾事足浮雲孰是又誰非

庚子夏在咸營青營朴節度

潤榮

送東井水詩

以謝之

古甃幾五八名品誰甲乙雲山與襄陽甘冽固渺匹
獨有青城頭飲者稱第一丹砂發臨沅雲母出少室
掬吸多神異療病功難悉輓轡玉響轉桔槔璫滌
駐節雖近壤修綆那手持擬試調符信詎窺卓錫術
節度多雅致二缶情何密三峽如可嚙注瓶叅書帙
斗水真寬憂好遣朱炎日羨君官差戀一勺羸俸鎡
菊秋三日巡城堞

盈床簿牒薄偷閒曲堞層墉互倚攀隱映川流橋影
際周迴岳色海雲間樓臺秋迴橫簫鼓草木風高接
嶺關一望郊原彌遠矚行歌緩步夕陽還

九日發 南陵奉審之行宿定平

平原草樹望中賒官角迎人上夕衙身在他鄉重作
客路逢佳節倍思家糝飭粉麵嘗新味菊佩萸囊戀
舊華却就吟邊編故事片時微雨入簾斜

內堂新粧小屏戲書一詩復申還鄉之約

斑鳩續賦幾多時申約頻編贈內詩金軸更從熊軾
路布裳仍淹鹿車期君今衰倦居閒好我本清貧守
分宜十畝漢南生理足樂哉携手復何疑

辛丑正月三日上雲石閣下六十壽啓夜枕思
舊時朋儔皆已衰老流光電掣人事雲移餘生

無多會合難期慨歎之餘呼草謹呈一以奉勉
揆業一以自述窮懷

昨夜今朝又明日庚年臘過辛年春行年我今五十
九公又平頭六十人人生到此易爲老七十八十亦
一旬痴人歎息達人笑世事紛紛劇轉輪榮華富貴
何足恃石火一閃俱埃塵多事羹珠兼饌玉安用錦
繡被其身獨有文章與事業萬古光焰齊蒼旻公才
上窺循蜚紀七十二代相比隣廈甍日講唐虞說俯
看汪澤涵邱民漢時章程周制度縱橫損益羅經綸
赤舄朱芾非公貴煌煌宏業與誰倫勒之鍾鼎垂竹

帛芳名百代稱賢臣不朽却勝長生術紫芝金丹未
爲神我昔讀書希顯達擬將涓爨裨昌辰急風吹浪
摧檣楫枕夢一醜回迷津歸歟歸哉去矣去水有磯
兮山有薪左携孺人右穉子松杉繞屋寒溪濱貧是
常分窮是命糲飯弊衣不須輦夕陽牛背歌數闋春
日鶯啼酒一巡周易楚騷散書秩燒香默坐尋玄真
息交刪慮棲澹泊餘生定悟前生因不是高尚謝塵
俗不是忘情疎舊親古來出處皆有定蠖屈亦非求
龍伸鷄飛亦不羨鵬舉洪勺賦與本不均

春詞

和風韶景遍咸州太歲金穰已占秋碧海瑞雲龍氣
聚深山靈草鹿羣遊重關烽燧邊塵靜一境桑麻野
雨收楊柳橋傍村老集春聲簫鼓樂民樓

閩春日約朴梧墅尙書趙叅判

容和尹承旨正

鎮會福泉庵

我屋南山下春深日日佳適情聊一酌濟勝又雙鞋
林木延清賞歌吟紆雅懷綠溪芳艸路信步過三义

賀姪婿李

裕元

簪花榮到

唐時學士宋時卿摠是泥金帖裏名貴相先徵儒雅
氣清班共數世家聲從知青紫由經術直看風雲入

遠程報道門闌多喜色錦韉飛到杏花明

領敦寧石厓趙公

萬承

遊金剛山有中秋夜吟

寄季氏雲石相國之作要余和韻

燕處清修晝影舒滿園花木繞樓居公卿子弟傳仍
世文武平生用有餘賦代恩添閒日月衰年契托舊
詩書夙緣擬償湖山約東嶺雲嵐接翠裾
望裏烟霞夢想閒暫辭青瑣起居班尋儔馬跡車塵
外問路仙區佛國間玉洞鳴泉騰笑語赤城酣葉展
襟顏幾多石面題遊錄有否如公此往還

寄贈摩庵老衲禪聊將偈語說公賢慈悲心本無量

佛康健身今不遠仙叢桂含花談上乘神龍噴瀑證
真緣經寮留誦天台賦玉帶何須勝蹟傳

謁戚叔李桐漁相公

相璜

北郊溪屋敬次原韻

桃花浪過漲清沙相國休官借野家鼎鼐猶無樓可
起林泉元不市相賒園葩賸馥渾如醉斃液剗清却
勝茶甘考蒼生霖雨望烟霞添寫暮年華

季夏日與石厓雲石彝齋金淵泉尚書

履陽諸

公會墨溪老人亭分韻得清字

葱蒨茂林色潺湲清澗聲石翁撰公暇詒約寄遐情
禮簡敦夙好文采振瑤瓊睢會稱希世喬年有畢卿

嘉實羅杏梅繁腔按竽笙緲陰覆文楸棊子下丁丁
駢對望佛巖徙倚五松楹清飈撤屯雲露坐倏月明
怡悅不知疲勝緣何可輕豈無林泉趣孰非圭組榮
所貴修令德光垂簡策名曠襟眄巖棲佳境在王城
墳篋和且洽歡讌及友生歌詩代繪事濡翰含餘清

孝顯王后輓詞

燭天瑞氣誕生初毓慶名門慶又儲幼度常遵圖史
內循聲何用飾璜琚
仁心愛物若春嘘壺化今纔半紀餘歷歲如添彤史
字塗莘盛烈可勝書

鷄籌虬漏問安時鳴玉三朝金殿墀病寢驚聞慈駕
至珈笄迎謁似常儀

九御覃音均惠慈外家存飭罕恩私龍樓宣示親題
錄如古賢妃贊德辭

碩哲休光簡冊垂冲年德性異凡姿須看聖妣關睢
頌元是周宮始至時

鸞輶一轉隔丹闈寶鏡塵凝卷六衣蘭掖春風花幾
度景陵松栢雪紛飛

庚甲閱來一夢依傷心萬事對斜暉那知幾劫滄桑
淚又向長秋慟哭歸

院直經宵未効忱罪臣不死恨深惶恐又承文字
命忍將哀淚寫徽音

重建廣州倉里墓舍作詩付樓壁

南漢盤衆嶽靈淑鍾氣元東門忽挺秀儼臨嘉客尊
布對互拱抱結爲已坐原我祖藏衣履吉叶徐師言
鬱鬱收清飈藹藹遍溫暾羣峰環其四向護如屏藩
案對森濃畫雲靄常吐吞祖德實神相令姿本溫溫
先人篤誠孝省侍朝復昏松杉敷條葉梓栢培株根
一一皆手澤兩岡清陰繁拮据營瓦屋拓地開洞門
畦畔修庭際籬底排房軒棟椽爲雨頽怵惕舊址存

殫力重構葺塗墜及壁垣欄檻樹碧色檐棋山翠痕
麥筐與蠶箔五戶成一村携婦又抱幼指顧笑談喧
愚孫忝公位蔭庇寔有源積厚發斯遠百世何可護
一心勤守護疎遠情猶敦油然感懷永作詩示來孫
以嘉禮正使納采納徵告期冊 妃時以紅袍
幘頭也字犀帶進叅道上吟成余以壬戌嘉禮
時慶科人已卯嘉禮又以禮房承旨加資末句
及之

幘頭犀帶紅袍衣紫陌塵清四馬飛朱鴈玄纁徵古
禮金章玉冊耀新儀倪天嘉頌騰寰宇儷日祥光繞

壺闈躬被恩榮經壬己三遭慶會世曾稀

次彝齋領相解職歸樊里韻

秋風鳴樹葉涼夢故山歸上疏辭黃閣吟詩訪綠屏
誰云憐老病元不愛輕肥聽得都人語巖廊想德輝
雲石相公書壽序八幅屏牋可寶也昔蔡君謨
書集古錄序廬陵子以惠山泉爲潤筆君謨大
笑以爲太清而不俗今僕山居樓前有藥泉敬
奉一壺未敢知雲石相公亦愛其清乎詩以證
之

與公翰墨夙生緣寶蹟長留八幅牋潤筆歐家徵古

典門前却有惠山泉

何物相酬比報瓊公書難得等連城想公天品求相近泉掇涓涓水掇清

二十泉名品第真洩巖噴石最清新域中好水知多少誰是南泠辨味人

上泉下井陸家經終信源流勝浸渟何必金山勞遠想奇緣石乳貯堦庭

常言泉澗勝江湖掬嗽斟坐臥俱驛遞符調猶遜話新方橢石鎮澄壺

淨滑醍醐雲母同蠲煩滌穢見神功那將寶蹟禪師

術引到公家一脉通

憐公多病讀醫書藥裹隨身術不疎滋潤真功惟有水願收書籍問山廬

乙巳秋成川就養之路與家弟從弟老容聯行
謁老叔母于延安府從弟若容任所

金山旭照霧初開驛路透迤海曲來荆棣交輝飛繡蓋菊萸酬節對瓊杯老年彌貴專城孝斁局方譽理郡才一似故園親讌日誰人覓上望鄉臺

贈姪婿書狀之行

遊輶向發菊花秋巫峽清江十二樓聞道北京年貢

使涓江朝繫木蘭舟

車塵極望意何如
歷歷前游十載餘
何用陽關三疊曲
篋中遼薊路程書

趙俠秦豪各一羣
荒丘片石摠云云
補綴詩家多少句
樽前吟望但烟雲

分門種種九流餘
汗漫陳編列五車
璧沼前廊光氣聚
奎星長護石經書

襟靈邂逅墨緣奇
茶臼膠黃握管時
收拾殘香留錦篋
茶堂雲篆海帆詩

景執書問消遣之法詩以答之

畫角更籌夜景遲
官齋對燭又何思
神仙富貴難兼有
棋奕笙歌各一時
自酌少醺如愛酒
無題謾詠似耽詩
山廬白雪梅花下
羣弟相過定憶誰

適得箕城酒腰浦魚甚思
景執分味代書

思君何以贈呵筆
細裁書平壤甘紅露
中和凍秀魚引醺
瓊液是飛膾雪花如
兩味知常嗜辛勤意
有餘

平壤紅露酒為國中佳品
東俗謂鱸魚為秀魚

降仙樓聽琴歌拈韻

晴雲澹蕩早春天
巫峽羣峰碧檻前
第一樓臺名左海
人生仕宦願成川
織歌倚瑟玲瓏曲
綠酒揮觴邈

迥筵夜捲珠簾看月上茲州多勝又多緣

贈別梧墅上使

北客休云東使誰記曾僦館姓名知清標內省圖書
氣峻望皇庭玉帛儀訪跡慣拈文史裏證交默契筆
談時不須佳句要傳誦看取蠻商繡錦絲

柳判尹和源輓

名門紹先美福履世誰同說禮存儒氣敦倫長厚風
節旄聲績茂鍾鼎報施豐熙代錄人瑞流輝簡策中
脩然心似貌淑氣儘鍾靈金帖週華甲鸞徽伴壽星
成行皆子女居燕若朝廷美矣門闌盛如尋古史聽

早歲亨衢步優閒晚景娛干城儲夙望尊俎抱奇圖
皓髮躋星履斑衣握虎符清標懷舊契紉夕唱哀謳

綏陵遷奉輓詞

慟哭庚年奈彼蒼玄臺忍見闕離光如今重值朝溱
日空抱遺弓恨更長

移仗仙鄉繞彩霞天香悅近玉欄花饗人上膳如平
日却望梧巡返翠華

蒼郊輦路禁城東長樂宮林曉靄中羽衛遲徊清蹕
緩望時哀鐸響天風

重宸是月久齋居追慕皇皇若喪初諱日上陵親祭

禮會前不載五儀書

卯刻廷班望哭哀共瞻長樂問安迴物華添引宮人
淚依舊榴花越節開

鑿輿親審珠岡迴鳳翥龍盤金粟堆宸孝格神回景
運吉邱天爲聖人開

慟矣冤乎恨徹天天何生聖晉其年夔龍長奉勛華
世薄祿令人愧古賢

聰明仁孝八方知四載謳歌代理時 正廟之謨
純廟訓傳心同是聖人姿

嗚呼甲午又何言今 上冲年御至尊清廟升歌

文考德豐功萬歲繼神孫

同宮三聖幸躬親那得長如戊巳春緱鶴一飛攀不
及世間留在受恩身

臣從內閣校雲章禹畫羲圖共寶藏一秩瑤函攀御
賜每宵愴望燭霄光

宮官承渥逮寶僚十九光陰悅隔宵一自銅龍門閉
後每聞殘漏寸腸消

伊昔天涯奉諱時日昏雲暗豆江湄微誠未效銜沙
雀淚灑攀輜獻輓詞

自山亭還次兒輩雙檜亭賞花韻

叢花箇箇照衰顏開遍今朝昨夜間僻境生輝緣種
樹深園成趣認依山頻從醉裏渾忘老每到春前却
不閒纖月輕陰林畔路遊筇常伴夕禽還

廣州楸舍和心菴留相韻

振衣朝出郭趨節又尋鄉培植攀先澤馳澆荷寵光
桑麻村語集杞菊野心長老樹秋崗露空懷歲月忙
分司推令望歌詠遍窮鄉冰蘖持清操瓊瑤蘊寶光
青眸投契早白首引懷長久許巖廊器休辭夙夜忙

洪文穆公

義俊

延謚誥之筵謹次其先尚書耳

溪公謚席李及健相公韻

儒術通經繼昔賢韋編玄象對窮年專門箋注真工
蘊掌世絲綸舊業傳崇秩光儀采德邵聖朝知遇獨
名全疎才愧乏鋪揚筆攀慕趨瞻奉誥筵

以庸晒猥
執撰狀之

役故末
句云

聞範孫順經紅疹以唐硯筆墨及扇賞之賦示

一律

兒孫離側便勞思聞道紅癩遍透肌藥餌尋方惟節
食證形循序不煩醫無憂最是身家慶因喜逾知老
性慈近報臨窓能試字玄毫寄贈且題詩

賀梧墅右相回甲用贈北伯時韻

記昔周盤長命絲中間歲月一回思台躔獨任調元
手珪紀重編降嶽時遺澤詩書仍世業蘊輝風裁自
天姿蛟藤雲榦山園景添色西樓帖畫儀

溪南舊伴鬢絲絲黃葉金樽有所思覲德平生誰似
我聯名仕宦久同時瓊琚振代雲龍契璿珮趨朝海
鶴姿看取庭槐敷厚蔭綠堂文種鳳毛儀

癸酉臘謁楓臯太史于玉壺之居命賦七古仍

賜和章尙寶莊之哲嗣荷屋端揆

左根

重修竹

亭邀諸僚會飲謹次原韻

此是玉壺先生居廿載重尋意何如先生自忘金紫

貴白水板扉青山廬水流不競山不動誰知閭澤遍
窮閭獨御珍駕騁籍囿雲錦爲裳瓊瑤裾往往傾座
高議論上挖循蜚隣太初綠筠架椽時徑造石欄點
筆風吹帽蛟騰虎躍林木振光焰上蟠埃氛掃誰與
長慶續酬唱不須建安紛名號渟淵之色蒼鬱氣高
古不要妍而好雪榻授草發俚音尋軌敢跛門庭到
和章投寶驚時俗夜光連城比奚足高風邈矣難再
攀聚星遺響誰追錄流景等閒春復秋巖葩自紅壁
蘚綠涼露叢桂寄枕夢依稀石逕傍溪曲端揆朝望
冠百辟令姿懷瑾鳴蒼玉竹亭重修更招呼對樽悅

如舊歡娛文藻古宅傳世業青箱鮑謝與歐虞時來
飲水山房宿元是疎襟淡榮途秀石老榆慣顏面移
席談言寸心輸願公莫辭長作主我每爲詩歌玉壺

經山集卷三

經山集卷四目錄

詩

竹坡徐尙書

俊輔

年八十三筋力康健留約每

月一會花樹亭贈以絕句申之

憲宗大王輓詞

洗草宴恭賦五律

重陽日登南麓

癸丑夏就養沁營行養老宴次席上韻

自沁營乘舟到白川郡郡仲兒任所也人謂榮

耀我竊兢懼夜枕口吟贈兒以寓勉勗之意

留宿東閣三日明將還矣賦五古五十韻又示

仲兒

金游觀相國

興根

一葉亭邀吟

甲寅夏就養完營登勝金亭

和石淙徐尚書

有薰

韻

燕申堂次板上韻

碧堂歸路上梧木臺

梧墅閣老病餘寄詩句語中感恩思報丹忱耿

然莊誦欽佩非惟唱酬之可喜也輒此和呈

金山寺歸路與仲兒歷金溝衙軒書示

遊邊山歷宿金堤郡

扶安西林亭

禹金巖

前年受養於完藩今夏又就養於瑞興衙常有

過分兢畏之意內從李令台卿寄詩獎耀太

過讀之尤增懼惕輒此奉和台卿見此詩庶

諒此畏慎之心云爾

松京北山諸洞

花潭

滿月臺

贈安山鄭侍郎 德和

綏陵遷奉輓詞

徽慶園遷奉輓詞

仁陵遷奉輓詞

流霞亭賡進 御製韻 并小識

心菴詩體調峭寡非拙者可跋望也五古尤爲
秀拔雨中閒坐行疊前韻奉呈句鑿有以教
之

純元王后輓詞

次彝齋答壺下朴相公 晦壽 詩贈賞花之期

李內兄 箕鉉 七十六歲作新春詩要余和之欣

然走筆爲博一粲

奉和荷屋相公生辰韻 并小序

閣僚前後所被恩榮集有歷代學士院盛事又

次前韻

又疊遊字韻志懷

游觀相公園亭會荷屋心菴兩相公共賦

疊前冬韻謝趙秋潭侍郎 徽林 贈梅

始興路中見農民築室時余有家舍修葺之役

漫吟示家兒

庚申孟夏就養于季兒洪川縣衙抵倉隅津乘
舟下奉安館宿楊根郡路上雜吟五古

晝坐閒吟

暮春雨中邀壺山荷屋心菴三相公賞花小隱
堂賦詩題壁

謹步心菴相公賞花小隱草堂七律韻以資塵
覽并題壁上

余老病居窮巷孰肯惠然惟秋潭尙書時時送
名花可謝也余近欲退居鄉廬又此寫意

平生喜誦膂力方剛經營四方之詩今秋潭尙

書以熱河上使作漠北之行誠豪壯可羨疊
前韻送行

辛酉夏獅孫尹滋祿上庠唱名之日書贈便面
志喜

仁陵改蒞之役進去奉審宿齋室長兒以禮判同
來夜坐志感

五月十五日 純元王后誕辰而 聖上以是
年壬戌舟梁舊紀也遣大臣行酌獻禮臣陪
香將事而還恭述感懷

七月旣望與兩老弟有之翼之往尹孫滋憲玄

湖亭子泛舟同游兒孫諸姪俱來會集東坡
赤壁賦字戲作七古

榮奠社堂里先塋

季秋見雪下思東坡岐陽九月雪蕭條歲暮懷

詩口吟

陽月居始興丙舍復授中書申尚書錫禧奉諭

來臨雪屋青燈呼酒話舊儘奇會也蘭契夙

敦犀襟益照賦一律請和

盆梅遲發

寄副使朴錦齡侍郎永輔

癸亥元朝

徽慶園遷奉輓詞

解相職口吟

李相國憲球輓

與孫兒輩來住旺里楸廬朝夕省展之餘作二

律揭壁

哲宗大王輓詞

甲子秋就養于季兒華判任所住華封別館

由華虹門步上譙樓遠望口吟

華祝軒行養老禮

默孫小成率往始興楸下行榮奠夜見兒輩賦
詩仍次其韻

廣陵倉里歸路歷廣湖洪芍玉尚書鍾應亭和

板上韻

答李通川喬榮

春夜

作旺里行途上次心庵相公江居韻

許判書景輓

陽月十九卯君判書之生朝也余自鄉廬上京
把酒相歡詩以識之

聯句

夏夜與從弟有之景執同柳戚景瞻魯洙李聖

為鐸遠賦

北海趙令鍾永訪永柔書室令小奚拈韻輪筆

聯句

九月二十二日頌 真殿餽果蘋婆感飫懷核

之餘斗室竹里小華李丹臯鶴秀諸僚聯句

載寧衙中與羣弟有之景執翼之聯句

會寧衙軒與從弟景執幕賓尹用如洪明如圍

碁聯句

過咸營與翠微按使鬪韻聯句

閣中餞上行人淵泉尚書與徐直閣原泉萬淳

金待教石陵英淳李待教構堂肯愚金直閣

石世鼎集聯句

歲夕箕城與阿世阿季鬪韻聯句

箕城乙密臺與弟兄輩聯句

經山集卷四

東萊鄭元容善之

詩

竹坡徐尚書俊輔年八十三筋力康健留約每

月一會花樹亭贈以絕句申之

公年八十又三年炯炯雙眸竦兩肩非藉金丹修鍊

術前生定是結仙緣

鍾漏紅塵早息機淡然風操似公稀弱冠青瑣金鑿

夢閱盡滄桑萬劫歸

莫道今人不如古今視前猶後視今吾儕觴咏風流

事詎讓蘭亭與竹林

晚計優哉又快哉
閒中書札幾番回
緣溪蘚逕鳩筇集
一榻清風蔭老槐

每年一月一爲期
都一年中十二之
麗景花紅葉丹節
不妨日日醉於斯

憲宗大王輓詞

維甲乾坤震盪時
風雷呼吸係安危
端門日出人相顧
八歲君王上聖姿
冲年臨講盛都兪
王曰民生責在吾
拜手筵臣呼萬歲
此心推去卽唐虞

元春寶座殿門開
恩澤蘇殘出睿裁
要採農家愁歎語
綸音郡縣進書來

樂哉畿甸與西陲
稅薄逋空浹衆肌
不有重宸勤訪問
那將民事奏多時

三登六稔古云稀
十雨五風天不違
四野桑麻春似畫
龍樓猶復御宵衣

真殿增修薦苾香
綏陵遷奉卜珠岡
根天聖孝終身慕
親酌情文合舊章

心法相傳謨訓垂
臨朝代理聖同規
宸衷起義揚先烈
堯史編承舜攝儀

宮宵沉漏閱圖書
褻御何曾奉燕居
擬續典謨遺恨
切事功纔敘聖典初

玉饌瓊觴讌內家
廷班烏帽遍簪花
來年宮裏長春色
還對當時舊物華

正 純宗統萬年期
今日天胡忍有斯
冠里皇孫承漢業
邦家大策出簾帷

鹵簿分明夢却疑
龍輶離闕更依遲
那思苑樹寒雲夕
丑刻宮闈望哭時

十月 山陵葬聖歸
兩岡松柏雪花飛
常時鳳輦經過處
頃刻滄桑萬事非

正午閣門恩召宣
書筵侍講逮經筵
如今青瑣趨朝路
何忍身過漏響邊

中書宣制賜溫音
申諭 先朝眷遇深
慶席恩言重 鏤骨
何生塵刹奉身心

支離苟且此何生
欲語吞聲語不成
淚闕 三朝身
在世後人猶恨老臣情

洗草宴恭賦五律

於戲先后德纂校
載芸編仁明由聖質
謨訓自冲年 竹帛
千秋信謳謠八域傳
溪雲含墨漲化雨灑
樽筵

重陽日登南麓

每喜逢佳節南山卽我家西風吹白髮九日對黃花
飲酒襟懷爽登高眺望賒猶餘詞賦興非爲戀芳華

癸丑夏就養沁營行養老宴次席上韻

留守營中丞相茵野翁携集却來親飛龍詞曲傳鄉
里啣鹿工歌讌友賓錦瑟呼觴娛麗景鳩筇圍席駐
長春沛民拜獻南山壽齊頌堯宮德化新

自沁營乘舟到白川郡郡仲兒任所也人謂榮
耀我竊兢懼夜枕口吟贈兒以寓勉勗之意

沁港澄波錦纜船輕風碧渚泊銀川節符隨路仍交
界簫鼓橫流更設筵主渥銘心勞敢後家榮耀眼畏

常先願兒深體分憂念理郡良籌效昔賢

留宿東閣三日明將還矣賦五古五十韻又示

仲兒

我乘沁潮來銀川汝作吏政閣舖茵席官厨薦餅餌
遇榮逾懼惕頰頰夜無寐呼汝聽我言汝且一一記
居家與居官直道非二致持身先勵廉臨事須裁義
我仁民不惡我信民無僞可哀者非民勤苦西疇事
獲春不自食徵索日困瘁鞭撻疼肌膚離徙携幼穉
年登猶不給况茲荒歉值口乏兩盃孟體無完衣被
期限旣屢愆譴責安可避所望在官家合掌盼盼視

虐者增忿怒良者加撫字懷摩如保赤奠安衽席置
察隱而蘇瘼除害而興利均徭先省窮分廩必振匱
訟獄尤審慎聽辨且平易神明臨在上凌弱敢縱恣
善本累寸始愆亦差豪自一動每戒慎惕省恒造次
淡食可安胃當戒宰生類乘醺易肆氣當戒頻舉觶
齋莊可澄神當戒晏化睡昵愛易迷性當戒近簪珥
勿效干進者交結厚贈遺勿效苛察者鉤核發陰秘
勿效能幹者違道用私智勿效沽衒者緣飾自崖異
西京號持循坦坦周行示廉明與慈惠方稱芻牧器
何必求才慧孚信在誠意何必求赫譽名者衆所忌

日夕檢所爲使無吾心愧優優守常經庶見衆生遂
世人有恒言陰德福所萃我言爲吏者休戚百里寄
公聽疏幽枉力扶免顛躓見隘思援濟見飢輒與施
持心常如一爲政先此四導和自迎祥種德此無比
勝彼邀福人所禱冀冥庇自汝從官日我心常憂惴
今來食汝食勉汝言吾志汝若遵吾言行此官守莅
在國爲良牧在家爲賢嗣持此作真詮家與官俱治
幸今閭里樂南風吹麥穗此言皆洪恩更願衢樽醉

金游觀相國

興根

一葉亭邀吟

茅椽簡樸用幽情邃谷穹林對北城玉液清冷宜素

性雲根蒼古與長生蓬瀛却想原非遠邱壑相遭總
可名要識巨川經濟術輕風駕葉溯空明

甲寅夏就養完營登勝金亭

隱映丹楹俯碧塘遙看水樹疊清光林園繡幕衣襟
冷花壓雕欄笑語香覓句淨荷深竹處揮觴歌扇舞
衣傍晚收碁局携筇去步繞池邊霽月蒼

和石淙徐尚書

有薰韻

竹林珠露瀉煩襟綺字通犀夙賞音交道關情親友
少浮名閱世老年今荆揚傳誌遺風麗岐漆登詩古
蹟欽到日朝衣趨玉殿斗南猶紆望京忱

燕申堂次板上韻

玉編金簡綠牙尖睡鴨香烟篆縷纖竹葉清風桐葉
雨盡欄東角下珠簾

碧堂歸路上梧木臺

下樓酌飲玉流泉梧木高臺又綺筵匝野綠疇朝雨
後環峰粉堞夕陽邊千園種果花如海萬井連籬樹
半烟休悵遊期春未及繁陰夥子更欣然

梧墅閣老病餘寄詩句語中感恩思報丹忱耿
然莊誦欽佩非惟唱酬之可喜也輒此和呈

九鼎元來賴一絲經邦弘業古人思如公久係蒼生

望夙志靡渝白首時名祖遺規源至行
純宗隆眷契賢姿內家珍劑蘇微恙衛士欣瞻赤舄儀

湖南兒女繡機絲解寫梧翁去後思禱冕清標迎竹
日袴襦遺頌憇棠時巖廊方藉調元手山斗咸推瑞
世姿病枕采懷醫國術佇看紳笏賁廷儀

金山寺歸路與仲兒歷金溝衙軒書示

汝是金溪舊使君重來應復慣鄉村官儀未及居時
見德政那能去後存紅淑颯蓮齊結子綠塔龍箴迸
生孫山門歸路尋留跡欣對斑衣奉玉樽

遊邊山歷宿金堤郡

金堤古名郡原野矚眸新浦近魚常賤田登酒不貧
衙籬烟正夕堰藪景宜春官路靈區出清秋簇馬塵

扶安西林亭

葱蒨蘇山畔西林起小亭碧泉當井甃紅葉共堦庭
欄頭平野濶簾額遠峰青東閣文書靜朝朝步屨輕

禹金巖

豁訝石竇氣森陰彩卉紋苔綠映襟割據雄圖辰與
馬周遭勝績禹偕金磨礪呈巧由神力慳秘藏靈認
佛心法衲蒲團留舊迹風林悅帶讀經音

前年受養於完藩今夏又就養於瑞興衙常有

過分兢畏之意內從李令台卿寄詩獎耀太
過讀之尤增懼惕輒此奉和台卿見此詩庶
諒此畏慎之心云爾

隆恩報答乏毫絲居寵常存惕若思兄弟爲官藩邑
日西南連歲去來時庸愚渠豈循良績迂拙吾非宰
相姿準擬鄉園畊且釣郵程還愧具瞻儀

松京北山諸洞

蕪綠芳堤駐屐頻一邱一壑摠鮮新便有金陵懷古
意誰爲伊洛退居人尋常臺榭皆臨水次第園林各
管春盡圖渾似披屏錦載酒携書願卜隣

花潭

桃花潭水上徐子釣魚臺元會先天數經綸濟世才
峩峩蒼壁峙澹澹碧流迴清籟吹庭樹依然講席開

滿月臺

滿月荒涼半月空弱雲狼藉瘦松風三都尙說中京
勝一統難忘太祖功雙闕遺墟烟渺漠十陵深樹翠
漻濛蒼蒼夕照徘徊下五百流光指點中

贈安山鄭侍郎

德和

學士銀魚整野巾山居臨水未全貧園霜筐摘紅綾
顛浦月竿收玉尺鱗剡棹尋蹤襟正合潯潮通信意

逾新朝盤舉匙欣兼味書字辛勤荷故人

綏陵遷奉輓詞

於戲 純考德之純天理胡然哭歲寅若使假年爲
上聖雖今在宥未中身荐經滄劫言何忍再值凜朝
慟復新望裏梧雲連 景寢萬年佳兆愜人神

先王志事啓宸衷徽旨重承十載中必慎情文前後
一至誠慈孝昔今同吉岡獻卜神終佑睿澤延休理
始通繼照英名垂百代朱絃像德奏宗宮

追王懿典 憲宗初萬事蒼涼廿載餘玉牒畫摹仁

孝德瓊函繡鏡訓謨書 東朝何忍簾帷再宗國幸

今磐石如雷肆舊臣猶在世秋風執紼淚盈裾

徽慶園遷奉輓詞

忠獻之賢一國知名門毓慶啓洪基後人欲識宮闈
德誕我 純宗上聖姿

邇班頻侍問安儀常頌 先王篤孝思功德垂輝彤
管字宮人尙說詠歌時

宸衷追遠體慈心鳳紉重攀愴昔今佳氣 先園同
吉兆崗松蔭庇護根深

仁陵遷奉輓詞

人讀唐虞史氏書不知當世世何如 純宗終始臣

躬覩却想堯天舜日初

聖人姿質聖人心純德非惟學問深萬品同歸涵泳
裏天穹海濶迹難尋

翠栢楊岡濕暮烟 綏遷 景祔共珠旰禮成每慰

東朝思邗忍追思甲午前

往歲前筵奉玉音 徽園遷兆體慈心宮中孝養曾

親見西望梧雲愴昔今

謳歌咸頌壬午恩誕啓慈功社稷存金粟龍盤先隴
近宸誠躬占萬年原

喬山移仗翠華回望望城西輦路開郊樹夕風鳴鐸

動哭聲惟見萬人哀

灤幄朝儀接禁城老臣前侍若爲情欲陳二十年來
事喉哽腸摧語不成

東人須睠我宗祊凡我東人德可忘謨訓編成歌頌
什千秋世室奉峨璋

流霞亭賡進 御製韻 并小識

丁巳閏五月四日與內閣原任提學游觀荷
屋心庵三相公會于斗浦之流霞亭亭湖堂
舊址也辛丑甲戌閣僚會遊今春進饌後賜
讌孟夏中旬閣僚咸集原任提學中四相公

有事未赴是日追設 上遣中使賜御製詩宣
內醞饌盒臣等祇領賡進

龍圖餘四紀榮寵荷生平霞榭歌湛露江湖戀闕情
心菴詩體調峭舉非拙者可跂望也五古尤爲
秀拔雨中閒坐行疊前韻奉呈句鑒有以教之
公駕亨達轂我浮坳堂舟才分本不同品彙各有儔
文章光焰長芬華摠蜃樓素志耄已及瀼落厠凡流
山翎猶自愛澗毛亦可羞昔士鳴窮宙竒氣橫齊州
鮑謝及陶柳高潔淡以悠皎月晴川曲微雲曉山頭
諒非學可能抱卷添詩愁

純元王后輓詞

始自嬪京日承天合厚坤孝慈本心性忠正爲家門
化遠推闡範功巍聽國言今人萬孫子世世母 純
元

詩人歌聖德太姒配文王盛際躬何幸繁禧理固常
离筵方繼照甲觀又呈祥泰運忽中否茫茫奈彼蒼
維已睠宗國凜然無畔涯人心何所恃慈德常皆知
策定光洪緒簾垂鞏泰基原來大功烈以聖值艱危
廿年簾化再艱會轉昌辰母道兼君道婦人有聖人
天生爲社稷慈育若臣民蘊美雖謙挹庸行著至仁

巷民相語昔恩旨每
東朝璜度編詩禮形毫敘舜
堯笥衣陳舊澣帑繼省常徭更恨攀弓淚喬山歲月
迢

金粟近先隴蒼梧從
聖妃寒汀雲渺莽曙苑月佈
微冊寶常儀似簾帷昔座非瓊觴虛待歲萱砌愴春
暉

名策舟梁慶禁門六十年耆班陪讌席相職侍賓筵
未報今生奈欲言有淚先雪風隨繡翼夕向
仁陵
前

次彝齋答壺下朴相公

晦壽

詩贈賞花之期

却道人生生有涯及身康健退休宜浮世看過晴雨
盡閒居閱遍暝寒棋東山尚係蒼生望老圃從尋晚
節期酒熟石樓須報我花風二十四番吹

李內兄

箕鉞

七十六歲作新春詩要余和之欣

然走筆爲博一粲

俱是衰齡康健身看花飲酒度芳春吉祥壽域躋年
甲韶景蒼邱叶月寅晚契常敦同閑友童遊偏戀外
家人山園佳約頻相問杖屨追尋摠比隣

奉和荷屋相公生辰韻

并小序

上之九年己未臘四荷屋大丞相嶽降之辰

載屈 聖上明舅氏之情眷勤勞之績特賜
內醞法樂以寵之公感戴恩榮悽愴往昔賦
詩以志之元容與賓席作而敬歎之奉和原
韻先太史楓臯先生乙未弧辰恩禮如今日
而公又繼其美是以有起句公仁於物而盡
其性忠於主而一其誠此邦人之所共贊諸
福之所由本是以有第一聯是日臘冬生明
後日也珠絃拂梅玉盃照月是以有第二聯
公姿稟粹美不矯不飾仁宜壽神全宜壽有
德於人宜壽頤期之筭可卜此過六七箇光

陰將圖像西樓之帖而樂奏於庭酒行於堂
又必有歌詩續唱者是以有結句此爲公頌
祝而亦寓自禱云爾

兩世公家荷聖情生辰賜醞昔今榮仁慈庶物由天
性忠藎 三朝出至誠錦筵噓春梅正發瓊觴瀉臘
月初明此筵更待西樓畫續唱歌詩飾太平

閣僚前後所被恩榮集有歷代學士院盛事又
次前韻

曾陪玉輦賞花遊太液恩波汪漾流內醞醉歸蓮燭
夜宸章輝映鑑湖秋舌沾茶椀宮槐蔭手擎櫻盤埤

竹幽千載遭逢吾輩幸榮名聖代敢云浮

又疊遊字韻志懷

袖香花底柳邊遊紫陌鍾聲歲月流常近日雲恩似
海未酬塵露髻先秋籌謀才拙釐凋弊箋註工疎闡
奧幽但願巖廊經濟策殫誠休道此生浮

結伴西垣翰墨遊金閨羣彥摠賢流尙餘丹悃憐葵
日獨抗蒼顏愧柳秋屏跡朝端塵夢懶棲心林下野
情幽昇平勲業諸公在我且歌呼大白浮

游觀相公園亭會荷屋心菴兩相公共賦

居處皆靈境三溪又此亭蘭窓襟契素芸架簡編青

規度森繩尺謨猷燦緯經東岡何日起百姓望槐庭

疊前冬韻謝趙秋潭侍郎徽林贈梅

愛梅不解種梅法冬半未得梅一株無竹無肉尚可
堪一日無梅何以娛潭友與梅結緣契斜直疎密無
所無石湖雪坡作鄰里陰何到此應躊躇苾芬如入
衆香國江蘿杜若皆一隅蒂綴萼綻分品格皓玉之
白丹砂朱老我慵閒守山屋淡月微霰太清孤聊寄
一詩乞一樹發函大笑憐顛愚贈以綠條高四尺繁
蘂結珠春景敷眠食坐臥與之共艷色芳馥浸肌膚
非獨此花使人愛愛君襟韻澄冰壺且欲舖張夸社

伴水淺佳詞參橫圖

始興路中見農民築室時余有家舍修葺之役
漫吟示家兒

路見農家子夫婦共作儔營居便作室不用日辰諏
山木與溪石取如已物收樸質構且塗不識有斲鏤
五間或七間或濱或依邱安曰春刈麥作廩飼畊牛
種樹爲藩籬籬外開田疇丁男又穉孫眠食恒優優
居無事務繁行無離別愁得失屏機心何營復何求
容膝自適意棲鷗又巢鳩回顧帝城裏朱門起臺樓
紋檐繡窓櫳藥欄珠簾鉤主人金紫貴鍾漏不知休

未學庇民術何論經邦籌居敞心未廣屋葺身未修
入奢常未足求多每未周儉是安宅居清是正路由
謙謙存畏慎枯榮如相疇默誦苟完銘惜福餘常留
庚申孟夏就養于季兒洪川縣衙抵倉隅津乘
舟下奉安館宿楊根郡路上雜吟五古

小廬新蓋茅松枝補疎籬老媪背負孫一犬其後隨
初吃犢放草三飼蠶上枝遠嶂起青烟憐汝寄生涯
樹色楊根郡山影砥平縣溪澗籠襟袖雲霞纈顧眄
巖葩與厓卉暫忘行旅倦對吏詢野情還愧傳厨饌
笑語方未已阿誰發歎息戶役與公稅收麥何敢食

乞隣供縣吏竈冷日如拭
胼胝終年苦妻子恒飢色

晝坐閒吟

園櫻半赤杏初黃
微雨新收午景長
峽水流中如錦渚
疊峰環四似滁陽
簾紋頃刻雲霞彩
衣袖尋常草木香
四野秧歌文牒靜
笑看銅綬奉瓊觴

暮春雨中邀壺山荷屋心菴三相公賞花小隱

草堂賦詩題壁

昨雨杏花發今雨桃花開
羣芳日以盛紫紅繞石臺
金菊滋舊種玉梅列新栽
四時花相續日日看花來
勝引欣同賞花底小車廻
不妨綠衫濕林霏淨纖埃

供具何嫌薄陳藪兼舊醕
且約懸燈夕啓扉碧澗隈

謹步心菴相公賞花小隱草堂七律韻以資塵

覽井題壁上

樹樓西畔草爲家北岳雲霞眺望餘
軒敞恰延羣嶂月園深全管四時花
野情只解鄉人飲高會欣逢長者車
錦句催觴公且住紅桃雨濕柳烟斜

余老病居窮巷孰肯惠然惟秋潭尚書時時送
名花可謝也余近欲退居鄉廬又此寫意

愛君瓌偉材且美驂騏之乘梗楠株少游籍園嗜成
癖笙簧鼓吹自怡娛大小之宋藹時望六典列據近

所無握管摛英雲霞蔚珍駕飛騰肯躊躇詞源滾滾
沛莫禦左右逢原如反隅出入風議替宥密金帶縮
腰顏尚朱圭璋令聞世推重紳笏何難到公孤老我
本非需世器學淺才疎只魯愚涓埃那由報岳海十
年鼎軸空施敷厭煩祇思遂初服車駟金紫摠華膚
築屋漢南營契活七月食瓜八月壺誰遣名花來田
野桑陰擬寫畊織圖

平生喜誦膂力方剛經營四方之詩今秋潭尙
書以熱河上使作漠北之行誠豪壯可羨疊前
韻送行

男兒夙抱蓬桑志安能守屋如守株豪歌出塞真快
哉飛鞚度關足歡娛我邦褊少疆域謚生老鄉井遠
游無今君銜命適萬里叱馭驅車莫踟躕燕京自是
古幽并不過天下北一隅滄海城郭繞粉白西山樓
閣絢碧朱六駕避塵巡窮漠古塞雲漲城月孤涉險
方可吐竒氣我言非夸亦非愚春秋最重行人職誦
詩何難辭令敷須仗信義聞海內原隰賢勞奏功膚
行橐蕭然惟書卷北人驚歎澈冰壺長城古多秦漢
蹟採摭爲補誌與圖

辛酉夏獅孫尹滋祿上庠唱名之日書贈便面

志喜

汝生年是我生年年甲差分後與先一樣辛春蓮榜
上汝能然我未能然

汝生之日我爲情安得看渠且長成豈料此身臨八
秩看渠進士到門榮

金門唱榜謝恩歸鶯掾欄衫謁兩闈世業須尋科目
外通經儒術是門輝

仁陵改蒞之役進去奉審宿齋室長兒以禮判同
來夜坐志感

臣是舟梁科第人流光六十歲維辛殊恩黼宸初元

世隆旨簾帷再御辰粵自生民盛未有於戲 兩聖
德之純 陵蒞相役借門子翠栢西風百感新

五月十五日 純元王后誕辰而 聖上以是
年壬戌舟梁舊紀也遣大臣行酌獻禮臣陪香
將事而還恭述感懷

榴花蒲葉瑞暉新長樂簾前賀誕辰初載親迎周太
妣九年聽政宋宣仁甲籌獻祝瑤觴舉七紀追揚玉
冊陳今日重逢嘉止歲陪香臣是慶科人

七月旣望與兩老弟有之翼之往尹孫滋憇玄
湖亭子泛舟同遊兒孫諸侄俱來會集東坡赤

壁賦字戲作七古

壬戌既望我懷長蘇子赤壁泛舟樂美哉風流世所
獨簫有遺響歌有章望之如仙安所托泝空駕葉此
可方少也來遊西江渚桂風蘭露渺流光天星一周
水無盡飄然飛御望蒼蒼往者有詩相與和今焉有
酒會所藏倚舷長歌登舟坐浩浩乎如渤海滄明月
長在清風亦千秋遊客來相將今爲吾有又何羨舉
樽相屬棹舟郎羽客漁侶寓清興徘徊臨渚更蒼茫
出世襟抱幽且清凌空何有千萬頃飛盃相接橫流
色誦詩如憑吹葉聲非取非與來又往莫消莫長虛
而盈我苟自樂上可友觀物寓懷獨虛明何用美人
歌且舞喜飲臨風問酒旌上舟下舟不知止山色蒼
鬱斗正橫維壬此遊今我又世間所稀樂吾生

榮奠社堂里先塋

四世龜碑一國標岡阡梓栢遠敷條林塘振代文章
煥水竹扶倫節義昭濟谷辭官尊上國陽坡秉德輔
三朝門孫回榜恩榮重蔭佑端由積累遙

季秋見雪下思東坡岐陽九月雪蕭條歲暮懷
詩口唵

秋雲作雪下庭階果作蕭條歲暮懷凌寒叢竹聲逾

勁待臘疎梅氣更佳欲覓詩篇香醞共爲酬歌曲古
絃借且須玉圃瓊花遍山畔招邀繪壁齋

陽月居始興丙舍復授中書中尚書

錫禧奉諭

來臨雪屋青燈呼酒話舊儘奇會也蘭契夙敦

犀襟益照賦一律請和

班心冠帶識君賢櫻筍江南又幾年愧竊虛名紆主
眷欣逢奇會證僚緣恩輝鳳綉臨鄉屋文采奎星照
客筵願借瓊篇留勝蹟把盃相對雪花前

盆梅遲發

四隣梅發已多時我屋寒株放太遲珠蘂含香雪應

待瓊枝拂影月爲期獨專清韻誰能競摠殿羣芳特
自持淡泊不須華麗色高標超俗晚逾奇

寄副使朴錦舫侍郎

永輔

三疊驪歌惜別時依遲車馬綠江湄君邊塞雪飛長
路我處窓梅發數枝尋路如披秦漢史記遊多繹海
山詞預思冠蓋相迎日花繞園亭酒滿卮

癸亥元朝

九耄開籌轉魯愚山家飲水養衰軀鄉里兒童皆七
十風塵歲月摠須臾唱名盛際如前世歛跡榮途卽
舊吾從此年年閒日永花開酒熟便歡娛

徽慶園遷奉輓詞

光膺上聖 正宗嬪降聖庚年誕 聖人景祿宮闈
多吉慶陰功區宇遍慈仁啓祥璿祚延瓜瓞協度璜
聲佐藻蘋羽衛從官依曩昔重攀鳳紉愴懷新
曾覩 重宸孝養時頻隨閣外起居儀情文永繼
先王志功德常存一國思九載重遷終愜吉名岡久
秘始呈奇恭惟夙昔宗祊念保佑吾東億萬基

解相職口吟

隆批臨宣副至情聖恩終始荷生成劑投沉疴神如
旺擔卸長程體便輕一笑登樓山更好高吟倚樹月

何明閒中料理鄉園事一飯那禁戀闕誠

李相公 憲球 輓

詩禮業仍鍾鼎榮江翁種德繼忠貞兩家夙講通家
誼一代咸推振代名晚節祁公憂國念實心司馬澤
民誠紉謳欲動春歌撤汪涕非緣故舊情
台閣耆司視德輝慶辰承召集彤闈琅函抗直聲彌
重玉節持循績固稀座設鳩筇仍盞酌庭趨魚袋是
斑衣老成儀範難重覲末路淒涼孰與歸

與孫兒輩來住旺里楸廬朝夕省展之餘作二

律揭壁

繞崗杉栢翠霜露幾時更惕惕終身慕依依孺子情
昊天那欲報人世若爲生茵鼎今靡逮何心鍾駟榮
晨夕趨階砌瞻依若室堂樹林風不止邱壠鳥何翔
警咳常如在劬勞俾可忘三言奉遺訓明發彌懷長

哲宗大王輓詞

已酉宮車晏駕時風霆呼吸係安危兩府泣陳宗社
計 聖慈當日御簾帷

嗚呼 英廟有神孫居在江都城裏村鹵簿往迎輪
獵駕祥雲捧日御端門

都人瞻望曰吾 王龍鳳其姿金玉相 純考儀容

如復見 慈闈昔夢驗禎祥

聰明睿智聖人姿武烈文謨萬億基 列聖傳心家
法在簾前授受四條辭

常求治法軼唐虞日講規成對典謨辰刻登筵過午
退臨文問答便都俞

闡徽 禰室烈彌光 祖廟隆儀煥有章南殿芬香
躋寶轡玳峰佳氣卜珠岡

澣衣常膳屏芬華貢獻多蠲稅不加選吏招賢容諫
諍家人如視世臣家

堂楣二字揭安民八域常思惠澤均要識 重宸功

化迹粹然之德藹然仁

郊駕送輜御旨宣燕書洗謬適追先瑤編寫上熙倫
字璿珮山呼玉陛前

宮人何忍說當時誠篤情深孝與慈一自 仁岡攀
紼後居常無樂愴宸思

麥風禾雨歲連登天自佑之人豈能虛雲過眼風吹
淚宋代昭陵今 睿陵

禧陵右麓蜿龍盤臣奉鑿輿親審看今日因封遵昔
志百靈長護萬年安

昔年臣是奉迎臣先覩龍飛御極辰南山瑞氣津虹

彩長祝天心佑聖人

中書四誥盛遭逢愚悃敷陳每見容爲戀主恩歸不
得如今何忍聽晨鍾

賓筵始日講筵初承奉于今一紀餘山海恩深何所
報欲言先咽淚盈裾

輦路依然扈從班雲鄉仙仗幾時還却恨湖弓攀不
得餘生猶復寄人間

甲子秋就養于季兒華判任所住華封別館

躬歷三朝老相臣留臺曾是保釐人專城前後恩踰
格通判東南境比隣

近年再蒙特教
換華廣兩通判

食飲供歡家室

竝稻梁占稔野原均闔門攢祝將何報一念先思惠及民

由華虹門步上譙樓遠望口吟

譙堞屢旋轉扶筇步履尋野情浮遠眺秋色抗高吟
古殿風雲護喬柯雨露深閭闔遺聖澤籬落翳桑陰

華祝軒行養老禮

周遭譙堞路透迤飛閣流丹俯碧池池畔柳陰諸老
坐白頭閒說 正宗時
城南城北戶餘千官閣朝開養老筵皓髮扶筇分序
坐八旬之八最高年

華封俱是聖人民生老桑麻雨露春請祝深誠齊發
願南山奉酌獻 重宸

默孫小成率往始興楸下行榮奠夜見兒輩賦

詩仍次其韻

唱榜日史官宣諭曰令孫小成予心奇喜後日講筵面陳榮感之意

妙歲科名盛會逢鄉廬携到酒初濃纔從講綴陪雙

隻為謝 綸言降九重黃帕開封

唐制二百進士試卷黃帕開封後唱

名先蔭藉銀衫在抱老歡供爐香羅拜榮輝遍來帶

華陽觀裏鍾

唐進士唱榜詩曰華陽觀裏鍾聲集

廣陵倉里歸路歷廣湖洪芍玉尚書

鍾應亭和

板上韻

弭檣廣湖畔樓是故人居樹綠繁陰遍池清暑氣除
名區今有主夙契孰如余安得披襟對彈琴閱架書

答李通川

喬榮

書函久不至春日我思長俸薄施常裕年荒譽益彰
浦耕齊斥鹵衢詠漢循良房駟榮輝動華褒耀篆堂

春夜

麗景芳園春可憐蒼然暮色草堂前花容的皪媚初
月樹氣漻漻和遠烟捲箔尚留遊賞伴懸燈不撤醉
吟筵千金一刻真堪惜山鳥呼更且莫眠

作旺里行途上次心庵相公江居韻

蒼翠漻漻望裏賒珠峰西畔玉溪涯樓臺迥接星辰
近林木長沾雨露多古架籤分藏寶笈靈泉筓引護
名花籬暉向夕農談集自是桑麻野老家

許判書

榮輓

崇躋推石望非直藉鞞幹敦說家聲遠蹈循儒氣兼
持躬簡制劇理郡威生廉講世欵平素公私百感添
陽月十九卯君判書之生朝也余自鄉廬上京
把酒相歡詩以識之

環海以東芸芸生脆弱孰如吾弟兄均藉劬勞鞠育
德保身孩提及長成聯床對案風雨夕光飾華萼悅

嚶鳴凡人遂願千僅一皓鬢赤帟推時英壽九十耄
八十耄貴周三公漢九卿玉鳩之杖金犀帶閭里光
輝門戶榮我以愚鹵荷蔭佑台躔秉軸調梅羹沙堤
車纛餘二紀焉用彼哉愧周行山嶠海汪茂埃報日
夕省躬凜乎驚季兮藉蔭典郡縣節費恤匱推真誠
正屬朝廷崇吏術謂君三方藉治聲刺史薦牘丞相
擢治行增秩追西京慶會親授班惟月騰躡雲衢何
泰亨趨庭兒子又攀誥妙歲乘軒鏘葱珩吾輩何修
能致此夙宵冰淵惕持盈鍾漏倦遊棲鄉屋梓栢烟
霜心獨清境寂夜永思頰頰西風海舶憂又嬰爲伴

卯君逍遙夢聊歌飛鶴赴降庚餘生何樂可敵此墳
篋在御樽酒迎宋代益公稱希貴雙老湛樂爲生平

聯句

夏夜與從弟有之景執同柳戚景瞻唐曾洙李聖
爲鐸遠賦

揀宵延翰侶幽室列書械景瞻傑句驚顏謝清言見籍

咸聖爲奔騰展驥驟剗剗薦琳瑯善煮字求該味修辭

擬立誠有盪曾噴七澤開壘據重岫景裘仲邀開逕

幼輿合在巖瞻座香客疊疊巾墊雨雪爲逸操絃

離柱神光劒發璣善才名翰爾獨調品愧余凡有癡

欲粘羲轡狂思駕海杙執鉢傳愁戛澁塵拂怒諱誦

瞻東作歌苞栗西麾掃第樓為微涼動疎竹遠色聚

高杉善爽韻噓羣籟馨吟對百函有盍簪襟共討徒

席袂相摻執擣藻滌蘇硯斲花理杜鑿瞻紅霞笏淥

醕白雪疊輕衫為理驗真機幹功叅造化劓善碧滋

庭草合露洗火雲巉有響答搥鍾掉鋒劇疎嶽撓執

薰含谷蘭秀心豁谿茅芟瞻字欲癡須砭書如病嗜

鹹為風聆添汨瀟霧眺插暫碧善勢掣鯨騰海氣橫

馬脫銜有搜竒叩局鑰驚遠劇風帆執石蘚欺斑錦

風蕉學捲纒瞻澄觀蹟淵奧安步畏欽岳為物類感

鷄歷流光惜翹鬣善烟霞成痼癖書卷養饕饒有燭

跋眠方瞰盃深意不嫌執稜稜隘區宇犖犖脫機緘

瞻馴鶴堪瘳俗辟蠅化聖讒為情深樂坦易譚劇恣

詼詰善聚室星輝德傲筵酒立監有黃河渺涯涘追

涉愧榮汜執

北海趙令元卿鍾永訪永柔書室令小奚拈韻

輪筆聯句

良約揀秋夜不恡馬蹄躋元諧契傾帷盖陶興開鈴

槩善張橐喜早選陳座驚猥忝元襟顏沕欵識風韻

欽素瞻善州務困墨綬朝儀覓朱韞元鸞棲縱惜滯

鼇謠更救墊善稟陋不直錢情殷可贈劔元荆坐延

窄檻隴烹供荒店善底蘊決瓠河外囂限鐵塹元韻

語疊飛屑詞氣苑蟠爛善檢書擗縵操脩辭劇圭玷

元軼古恣評賞傲俗忽踰僭善攷樂慨鍾擲執字慕

衣襜元拗解黜劉饒異方嘗鄆醜善溯遠窺禹穴蒐

幽破汲窆元品畫撲面塵格語痊風疴善獲驪手僅

义騰鳳翰一染元咀嚼英華吐嚙吸清虛屨善古意

窮攀援雅賞恣割占元佳境詎求遠遊典始補欠善

荷知愧錐穎發蒙去車弁元席鉢令怕嚴井轄巡防

厭善淨几松翳缺崇觴菊盈坵元鴨香暈博鑪蟹火

候丹薰善錦障聯靠縛牙軸互拄羗元茗韻舌本柔

竽籟耳根砭善地勝添爽塏天候際孳歛元旅鴻邊

聲拖候蛩遁序驗善老蛟蟠自安宿鳥棲相念元迅

商颯新聆缺規頰微覘善渚冷收笱蟹野暝歸獵獫

元噫秋憐睡僮視夜煩癡儂善荻泊山寥寥籌漏海

灑灑元垂星芒動搖橫河影泛激善逸氣華嵩抗雋

彩斗牛閃元更闌聚跋燭寒透勅燃柶善豈以一披

襟况復雙備韞元情摯禮從簡供薄心轉歛善行藏

自有恒痰疾其如俺元客行誰秣萋民事亟綯苦善

芳讌正醞藉佳述孰揚揆元關路有前期更賦霜葉

艷善

九月二十二日頌 真殿餽果蘋婆感飫懷核

之餘斗室竹里小華李丹臯鶴秀諸僚聯句

嘗餽感斯朝珍果久錫貢斗苞舊鐵驛遞味新鞠旭

烘竹憇雨珠絡點飫霜銀線控華品列周蘋薦賜霑

漢柑送經濃軟宜細啜團圓堪把弄丹橘無變踰淮

荔猶鮮馳瀨斗烏棹猶奴僕朱奈差伯仲竹嘉種因

地靈豔藥冠卉眾華培根辟匿載護蒂防啁鷓經爛

比珊瑚寶香隣葡萄甕丹登籩愴文歎分饗捧禹糴

斗思嗜永斯慕薦藜非所諷竹正席均賞玩懷核戒

喧闕華脆李詎遮映凡果胥惚恫經清逾瑤漿吸爽

若寒門犴丹膚映華虹暈卵濕頰虬霧斗甘嚙秋剡

蜜冷嚼曉含凍竹上實侈玉井南產并蘭棟華詭訣

滌河渚嘉號徒丹洞經千壽檀猶澀三宵棗還佃丹

蘋婆語誰譯文官名足哄斗聲價慣林秀譜系徵禽

弄竹霑暘病欲蘇析醒飲可痛華剖劈合芸馥清潤

攬茶夢經物愛經時珍品豈釋名曹丹桃探曼倩袖

櫻帶摩詰鞞斗瓊瑤難報瓜瓊玕愧飼鳳竹嘉頌方

洋洋蕪才奈空空華德飽歡何極公退意莫德經感

今仍憶舊詩就且一中丹

載寧衙中與羣弟有之景執翼之聯句

我發遂西邁脩塗駢收伐善店憇床枕疊橐隨經卷

僕有拾磴跨林峭宛轡度麥畎景凡人儘莫如遠方

誰須響翼之屢催僕夫駕幾閱郵亭扁善典翫遞差馳

敘抱競輸輦有書喜少蘓俟榜新大宋闡執懷若壘

崇華逢將決濟澆翼行色喚序鴈征鞭矯迅鵝善思

銜萼華韡句添麥光剗有和藹渙羈抱談吐軼雄辯

執蕉葉詩誰題玉樹句自圈翼入郡劇歡喜在途忘

勞喘善麓墳酬唱迭詩書同異辨有團聚共月滿離

懷若雲捲執欸語吐馥蘭連衿結珮瑁翼雅戲做鉤

索奧論窺橐鍵善歡情日以洽豪興知者妙有高曠

鞭駟驥輕健霜鷹毬執欣聯寢被稠喜稅征輶幘翼

抽籤千軸亂揮毫雙手撿善書圃將奇權藝苑鶩廣

行有笏漉膠香冽庖供肴羞腆執疎簾月隱鈎濃茗

烟繚篆翼鳴鶯樑泥掠歌鶯柳烟縹善筆鋸森觚稜

詞源澄渙浥有佳辰屆壽席多祐秩穀戩執兒舞耀

斑斕嬌歡列瑱瑱翼長壽山相近和春盃不淺善雅

會習家池風流羊公峴有樂意關禽鳥活機驗肖蠅

執深歡殊未央相好各有勗翼或諧遺拘檢自逸從

裸跣善登臨聊復樂壤地莫云褊有爽喜塵臼脫快

謝蓬戶俛執哇望驗分秧巷歌徵采菘翼澮洳悶久

曠圭璧祈諸壇善傍岸披林樾臨池釣鯀鱣有鄧燭

化蠟燒洋絃金柱撚執脫衣櫛樹梢拂石茵苔蘚翼

投壺儀習雅揮麈譚嫌調善詩健劇曹屈才騁追禱

戡有熊經慕喬松鯨吸傾淮黽執花滿賞今河琴鳴

憶古單翼眺濶聘眸遠境閒矯性慵善山脊樵和笛

哇腰農庖錢有岸憤光風灑携筇勝地選執千村饒

桑麻百年無兵燹翼遊我道德林華汝貞亮辯善渾

酣羈情愜閒吟冗累珍有鼎剗軒喜聯汗僵籍湜悞

執雅會從真率清遊任偃蹇翼良珍元自蘊逸跡終

當展善倫序樂事多遊勝良辰撰有性因全天得工

須實地踐執聞樂忘食肉耽書愛嘗齋翼獵字務馳

騁畊硯忘胝趼善歡齊夜床聯句從春草緬有遇勁

蓄鋒銳并驅覺駑悞執良士瞿太康三爵戒沉洄翼

古翫考鍾鼎奇賞搜丘典善泉石已痼疾書畫亦嗜

癡有聲催鉢盂擊令怕刻燭剪執園和幽禽弄庭藉

嘉卉軟翼爐燠金縷繚案帖練羣縵善閒閱花譜續

清欲茶經演有海舫期已住山屐遊不舛執綺膳刈

熟牟錦箔收眠繭翼泉貨通梯航壤賦錯豫覓善土

風信可美民功各相勉有胷拓井陳旗器蘊施歐璉

執摠爲天親樂豈徒客懷遣翼和氣調商羽適序閱
射洗善敞軒六引張閒齋四友蕨有媚眼圍野水呈
姿列雲巘執席交適團樂床眠豈轉輾翼輒醉壺不
罄強吟毫屢吮善聯幃宵月鑿携袂朝露泫有癡擬
粘烏兔曠思屣軒冕執雜戲黜呼臬雄詞憶賦獮翼
軼古媿敦彝尋竒徵籥瑒善譚從玉塵揮韻曠彩帶
緡有牙香動朗吟神清喜滌濁執諸兄摠盛名癡弟
轉有覲翼風送槐龍舞晝稀壺漏轉善流水諧絃撥
高雲送唱暉有大拍手抵案小垂劔出鞘執情密常
并坐歡來時一齧翼白雲何日尋碧溪待我沔善畫

廚玄雲撥藥爐活炎燄有玩理隨動靜析經分條件
執射幘紅鴿動投壺紅女變翼璀璨孰海珠琢磨愧
燕礪善健筆糾蛇蚓逸氣脫鞞鞞有豈好相如達樂
聞邵老善執早熱苦汗算長霖願溢甌翼工不期彫
篆鎮可需錫銑善穿階竹孫長巢松鶴胎逸有橋詩
騎孟驢鄉信寄陸犬執欣情此無極佳典詎自免翼
日我兄及弟勉勉令德顯善

會寧衙軒與從弟景執幕賓尹用如洪明汝圍
棊聯句

政暇喜取適棋局傍書篋善對拈袖抽腕倚觀枕支

脅景鈔化蝸方枝潛食蠶稍葉用弛張文武并開闔

陰陽燮明中休料未決終解應旋捷善撞樊脫禽羈

布置伺兔獵執拓邊詫恢勳固內恃裕業用濟活術

兼醫排解力侔俠明一服八高格三分二倍捷善構

戲皆奴隸牌譜摠婢妾執契約局百滿程課旬數淡

用視久催疾下手離揮更接明長驅益躋蹬暫挫自

詰善計戶功分邑鞏圍勢堅堞執欲號先借虞為

趙忽奪鄴用機活神無方籌定謀不踰明迷誠旁說

剿專忌他務攝善急驅緩常窘強喝弱已慄執金堅

立必雙扇嚴布欲疊用所爭射應類不撒琴相協明

屢敗猶強項請退詎緩頰善絲絡行曳蛛梅點粧翩

蝾執流水聽更佳疎簾看尤愜用一獲誇張每少誤

咎悔輒明尋軌齊方轂循紈襲重袷善扼要虛藏實

愚敵勇示恟執坐間棲隱遜手端飛談捷用縮寸閏

後楊添一望前莢明墾闢力農耒尋數工士笈善多

寡焚債券曲直聒訟牒執快掃篋刮膜厘附痣着壓

用雙間升量隔五孔桃瓣浥明迭設數如酬互對等

不躡善猶龍是耳肉謂馬應蹄鬣執單穴着交越均

罽置仍貼用爪彈激丸跳指按遞笛辱明均敵吝寸

屈饒先藉強挾善警前嚴整部投隙密偵諫執乘順

類拉朽制勁抵挽哈用口計頻動鬚日移先覘曉明
着黑睡脚盤拔白老髮鑷善摧堅短兵閃遇伏飛騎
驍執間置若守望直衝同探肱用圍救智齊臏得望
謀魏擘明連勢長塹柵託權中流楫善撥逼猗角援
追逐踵背躡執此間無謙讓何人肯畏懾用黃樓竹
雨灑白觀松香裊明毒手是李陽先聲孰陳涉善禕
辦服敏試安鎮優玄懼執沽酒豈用意食魚不須鉞
用對坐圍花障携會踏薜縈明長日聊優遊好事豈
迫脅善選勝真善戲督進如相迫執檀歌助瀏亮綺
句競煥燁用綠添邊江潤青入遠山業明吟墨因畫

紙巡盃要雙屨善匣案輪四毫圍盤交八筴執售技
如償直食力同噴饑用相笑寫羈遊勝跡留此帖明

過咸營與翠微按使鬪韻聯句

夜讌開真率詩令恣戲劇翠萍緣坐留芬棠謠譽播

赫山圖書堆滿案羅綺焚爭席翠燭圍香凝睂茗熟

風生腋經微吟霽月昇纖唱白雪積翠艷鬢低翠影

芳喉沾瓊液經素華鬪三春香霧散九陌翠佳賞龍

門今逸韻旗亭昔經琴心海千尋酒筵樓百尺翠棹

回剡溪舟棊賭山陰宅經只可看好月聊以永今夕

翠杜橋誰滿車髡醉可一石經綺羅成雅詭酣吟惱

痼癖翠爐香細成篆閣梅初點易經弄毫纈蜀錦展
牒璨和璧翠不知更漏深莫遣酒戶窄經第一閨中
紅如今天下白翠雪山慚高牙海波傳重驛經詩堪
贈李宜歌應誦高適翠翰墨酬良辰冠蓋留佳客經
歛笑高雲逗論調明珠摘翠隊分對簪珥坐密錯鞵
舄經抵金宵惜刻擊鉢篇催百翠啣杯繡肚瀉秉燭
朱顏惜經一笑聊爲樂羣芳不可擇翠守庚昔人是
娛辰此會亦經邊館諧勝席郵亭駐征策翠絲竹樂
何專樓臺輝更益經再續文園躅異鄉留盛跡翠
閣中餞上行人淵泉尚書與徐直閣原泉萬淳

金待教石陵

英淳

李待教構堂

昔愚

金直閣石

世鼎集聯句

雅分欣方圓離思悄不耐淵飲餞同諸僚贖贈追前
輩經陋質慙倚葭蕪辭愧益菜原氣候纔抄秋旌節
赴今晦石鬪韻詩分曹列饌吏呈隊構玉關勞一別
臺坡際三昧石慙慙惜良會衰遲負勝槩淵詢俗殊
遼夏躡境緬海岱經可但慰離索直能去滓穢原班
聯喜追陪箴警常服佩陵禮數寬少長王事靡外內
構攀行祈遄歸贈留喜陪誨石芝蘭固相薰瓊瑤况
所愛淵脩路方鵬騫殘暑漸鷁退經正朔悲奉六客

星占到再原 翩盖拂黍華輕轍見石戴陵 出日溟渤
心晴雲巫閭背構 隰原慣馳驅篇章遍述載石 依遲
馬嘶風迢遼鴈橫塞淵 傾盖定筭半泛槎如符代經
預愁關外分且鬪樽前在原 薊樹蟬嘒嘒遼野草每
每陵 關河應有限景物自無礙構 追塵厠菲薄合席
多俊乂石 皇華非舊觀苞稂有餘慨淵 仔細爲我說
幾何不相對經 海嶽驚洋望圖書窺津逮原 涼月照
燈泓清嵐生遠黛陵 別懷增秋感詩情藹雲態構 細
傾陽關杯庶無賓筵悔石

歲夕箕城與阿世阿季闌韻聯句

旌節守歲夕坐喜斑衣繞山經 政歡庭闈近不省關河
杳世基 銀漢動簷角瓊雪映林表年基 街燈通遠近衢樽
樂老少經 千符荆俗詢三酺漢風紹世 幽籥迎土牛
羲輪轉星鳥年 飛火彩電頽列炬雕冰皎經 隣邀舄
交錯巷遊袂相掉世 綠鵝酒灑灑金鴨香裊裊年 綺
席何璀璨藻閣亦窈窕經 人勝剪羅縠辛祈占櫛旒
世 境佳含融融情愜釋悄悄年 屠蕪競對栢佞儺替
爆篠經 鄉盤懷細縷朝珮想晰燎世 妙曲唱玲瓏高
樓倚縹緲年 麗景來江干芳信入樹杪經 畫虎舊俗
因飾芟何代肇世 繁麗侔杭越穠艷竝代趙年 畫角

幾報更銀漏正度曉經剪燭談屑圓催鉢睡思攪世
陪遊真盛事新春占吉兆年

箕城乙密臺與弟兄輩聯句

崇臺成雅集禮簡任疎誕山經雨過猶雲陰暑薄如春

煖景揀勝訪杭誌記俗續荆纂翼境會忘遠役興飛

策素懶景角觥樓前隊鞦韆樹間伴基咏愛焚香王

戲陽投擲侃基他鄉似吾鄉公館亦林館基眺望何

浩渺尋搜不漫漶經峴帶游登祜關鑰餉留鄩執堞

留王築石井識師種稗翼松檐風共灑薇架露堪盥

聯棊着山陰賭詩依金谷筭世野色眼與濶江流心

共坦年我有墳又箴何用絃與管命坐步連衫袖醉

飽同卓椀經先蹟屹雙鐫後承晶共纘執草嫩連細

茵飢軟勝珍饌翼嘗集跳鱗尺絃敷飛羽聯政喜

湛樂且詎爲優遊但世修渚涼帆寒劇場汗襦袒年

禽語清如腔松陰圓似織命雨泡識魚物薛印認鹿

腫經溯流棹歌重陟巔屨響緩執清調和瑤徽佳節

驗玉瑄翼亭兼錢塘美俗殷褒斜轄聯花樹今日會

萍水此筵罕世田朝雨初洽林夕月未滿年聖恩長

浩蕩一室永和衍命不敢較勞逸但願無滂曠經毫

勁濡鼠鬚紙滑展鵝卵執襄守日可游滁客夕不散

翼 庇陰培嘉樹祝恩頌瑟瓚聃烟渚蜀舶移石灘越
紗翰世游興同老少詩語莫長短年名區陪盛躅此
地情欸欸命

經山集卷四



